



佛果園悟禪師尊嚴集



服部文庫
117
327
1



117
387
1

佛果圓悟禪師肖像



皇圖鞏固 帝階遐昌
佛日增輝 法輪常轉

至聖命脈列祖大機換骨
靈方頤神妙術其惟
雪竇禪師具超宗越格正
眼提掇正令不露風規秉
烹佛煨祖鉗鎚頌出衲僧

向上巴鼻銀山鐵壁孰敢
鑽研蚊咬鐵牛難爲下口
不逢大匠焉悉玄微粵有
佛果老人住碧巖日學者
迷而請益老人愍以垂慈

剔抉淵源剖析庖理當陽
直指豈立見知百則公案
從頭一串穿來一隊老漢
次第總將按過須知趙璧
本無瑕類相如謾誑秦王

至道實乎無言宗師垂慈
救弊儻如是見方知徹底
老婆其或泥句沈言未免
滅佛種族普照幸親公案
師席得聞未聞道友集成

簡編鄙拙敘其本末時建
炎戊申暮春晦日叅學嗣
祖比丘普照謹序

五
秋
脈
炎
前

佛果園悟禪師碧巖集目錄

武帝問達磨

趙州至道無難

馬大師不安

德山挾複子

雪峯盡大地

雲門十五日

法眼答慧超

翠巖夏末示徒

趙州東西南北

陸州問僧甚處

夾山禪師降魔表

卷三

黃檗酒糟漢

洞山藤三斤

巴陵銀碗裏

雲門對一說

雲門倒一說

鏡清草裏漢

香林西來意

肅宗請塔樣

俱胝指頭禪

龍牙西來意

卷三

智門蓮花荷葉

雪峯驚鼻蛇

保福妙頂峰

劉鐵磨臺山

蓮花庵主不住

百丈奇特事

雲門體露金風

涅槃和尚諸聖

大隋劫火洞然

趙州大蘿蔔

卷四

麻谷振錫遶床

臨濟佛法大意

陳尚書看保福

仰山問甚處來

六文殊前三三

長沙一日遊山

風穴鐵牛機

雲門金毛獅子

南泉如夢相似

五卷

趙州大死底人

龐居士好雪片片

洞山寒暑迴避

禾山解打鼓

趙州萬法歸一

鏡清雨滴聲

雲門六不收

王太傅煎茶

三聖以何為食

雲門塵塵三昧

六卷

雪峯是甚麼

趙州石橋畧約

馬大師野鴨子

雲門近離甚處

吾漸源弔孝

欽山一鏃破三關

趙州至道無難

趙州時人窠窟

趙州唯嫌揀擇

雲門拄杖子

卷七

風穴若立一塵

雲門中有一寶

南泉兩堂爭猫

南泉問趙州

外道問佛有無

巖頭什麼處來

梁武帝請講經

仰山問三聖

南泉拜中國師

瀉山侍立百丈

卷八

百丈併却咽喉

百丈問雲巖

馬大師四句百非 金牛和尚呵呵笑

烏白問法道 丹霞問甚處來

雲門答餠餅 十六開士入浴

投子一切聲 趙州孩子六識

卷九

藥山射塵中塵 大龍堅固法身

雲門露柱相交 維摩不二法門

桐峯庵主大蟲 雲門有光明在

雲門藥病相治 玄沙接物利生

雲巖問道吾手眼 智門般若體

卷十

鹽官犀牛扇子 世尊一日陞座

大光師作舞 楞嚴經若見不見

長慶有三毒 趙州三轉語

金剛經輕賤 天平和尚兩錯

肅宗十身調御 巴陵吹毛劍

蘇宗不負... 巴剎... 太平... 金剛... 大次... 聖旨... 卷中... 日...

佛果園悟禪師碧岩集卷第一



秣陵遠庵吳自弘 校
天界比丘 性湛 閱

垂示云隔山見烟早知是火隔牆見角便知是
 牛舉一明三日機銖兩是衲僧家尋常茶飯至
 於截斷眾流東湧西沒逆順縱橫與奪自在正
 當恁麼時且道是甚麼人行履處看取雪竇葛
 藤

舉梁武帝問達磨大師說這不唧啞漢如何

是聖諦第一義是甚繫驢極磨云廓然無聖

將謂多少奇特箭過新羅可煞明白帝曰對

朕者誰滿面慚惶強惺惺果然摸索不着磨

云不識咄再來不直半文錢帝不契可惜許

却較此子達磨遂渡江至魏這野狐精不免

一場懺懺從西過東從東過西帝後舉問志

公貧兒思舊債傍人有眼志公云陛下還識

此人否和志公趕出國始得好與二十棒達

磨來也帝云不識却是武帝承當得達磨公

案志公云此是觀音大士傳佛心印胡亂指

注臂膊不向姓曲帝悔遂遣使去請果然把

不住向道不唧啣志公云莫道陛下發使去

取東家人死西家人助哀也好一時趕出國

闔國人去佗亦不回志公也好與二十棒不

知脚跟下放大光明

達磨遙觀此上有大乘根器遂泛海得得而來

單傳心印開示迷塗不立文字直指人心見性

成佛若恁麼見得便有自由分不隨一切語言

轉脫體現成便能於後頭與武帝對譚并二祖
安心處自然見得無計較情塵一刀截斷灑灑
落落何必更分是非辨得辨失雖然恁麼能
有幾人武帝嘗披袈裟自講放光般若經感得
大花亂墜地變黃金辨道奉佛誥詔天下起寺
度僧依教修行人謂之佛心天子達磨初見武
帝帝問朕起寺度僧有何功德磨云無功德早
是惡水驀頭澆若透得這箇無功德話許你親
見達磨且道起寺度僧爲什麼都無功德此意

在什麼處帝與婁約法師傳大士昭明太子持
論真俗二諦據教中說真諦以明非有俗諦以
明非無真俗不二即是聖諦第一義此是教家
極妙窮玄處帝便拈此極則處問達磨如何是
聖諦第一義磨云廓然無聖天下衲僧跳不出
達磨與他一刀截斷如今人多少錯會却去弄
精魂瞠眼睛云廓然無聖且喜沒交涉五祖先
師嘗說只這廓然無聖若人透得歸家穩坐一
等是打葛藤不妨與他打破漆桶達磨就中奇

特所以道參得一句透千句萬句一時透自然
坐得斷把得定古人道粉骨碎身未足酬一句
了然超百億達磨劈頭與他一撥多少漏逗了
也帝不省却以人我見故再問對朕者誰達磨
慈悲忒煞又向道不識直得武帝眼目定動不
知落處是何言說到這裏有事無事拈來即不
堪端和尚有頌云一箭尋常落一鵬更加一箭
已相饒直歸少室峰前坐梁主休言更去招復
云誰欲招帝不契遂潛出國這老漢只得懔懔

渡江至魏時魏孝明帝當位乃北人種族姓拓
跋氏後來方名中國達磨至彼亦不出見直過
少林面壁九年接得二祖彼方號爲壁觀婆羅
門梁武帝後問志公公云陛下還識此人否帝
曰不識且道與達磨道底是同是別似則也似
是則不是人多錯會道前來達磨是答他禪後
來武帝是對他志公乃相識之識且得沒交涉
當時志公恁麼問且道作麼生祇對何不一棒
打殺免見搵胡武帝却供他款道不識志公見

十三年元年
七年

阿那箇

機而作便云此是觀音大士傳佛心印帝悔遂遣使去取好不啣啣當時等他道此是觀音大士傳佛心印亦好擯他出國猶較些子人傳志公天鑒四年化去達磨普通八年方來自隔十餘年何故却道同時相見此必是謬傳據傳中所載如今不論這事只要知他大綱且道達磨是觀音志公是觀音問那箇是端的底觀音既是觀音爲什麼却有兩箇何止兩箇成群作隊時後魏光統律師菩提流支三藏與師論議師

斥相指心而漏局之量自不堪任競起空心數加毒藥至第六度化緣已畢傳法得人遂不復救端居而逝葬於熊耳山定林寺後魏宋雲奉使於葱嶺遇師手携隻履而往武帝追憶自撰碑文云嗟夫見之不見逢之不逢遇之不遇今之古之怨之恨之復讚云心有也曠劫而受沈淪心無也刹那而成正覺且道達磨卽今在什麼處蹉過也不知

聖諦廓然箭過新羅噴何當辨的過也有什

滯凡夫
登妙覺

麼難辨對朕者誰再來不直半文錢又恁麼

去也還云不識三箇四箇中也咄因茲暗渡

江穿人鼻孔不得却被別人穿蒼天蒼天不大大丈夫

豈免生荆棘脚跟下巴已深數丈闊

國人追不再來兩重公案用追作麼在什麼

處大丈夫志氣何在千古萬古空相憶換下

槌骨望空啟告休相憶道什麼向鬼窟裏作

活計清風匝地有何極果然大小雪竇向草

裏觀師顧視左右云這裏還有祖師麼你待

番款那猶作這去就自云有喚來

與老僧洗脚更與三十棒起出也未為分外

作這去就猶較些子

且據雪竇頌此公案一似善舞太阿劍相似向

虛空中盤礴自然不犯鋒銛若是無這般手段

纔拈着便見傷鋒犯手若是具眼者看他一拈

一撥一褒一貶只用四句楷定一則公案大凡

頌古只是繞路說禪拈古大綱據款結案而已

雪竇與他一撥劈頭便道聖諦廓然何當辨的

雪竇於佗初句下着這一句不妨奇特且道畢竟作麼生辨的直饒鐵眼銅睛也摸索不着到這裏以情識卜度得麼所以雲門道如擊石火似閃電光這箇些子不落心機意識情想等你開口堪作什麼計較生時鷄子過新羅雪竇道你天下衲僧何當辨的對朕者誰着箇還云不識此是雪竇忒煞老婆重重爲人處且道廓然與不識是一般兩般若是了底人分上不言而論若是未了底人決定打作兩橛諸方尋常

道雪竇重拈一徧殊不知四句領盡公案了後爲慈悲之故領出事跡因茲暗渡江豈免生荆棘達磨本來茲土與人解粘去縛抽釘拔楔剗除荆棘因何却道生荆棘非止當時諸人卽今脚跟下已深數丈闔國人追不再來千古萬古空相憶可煞不丈夫且道達磨在什麼處若見達磨便見雪竇末後爲人處雪竇恐怕人逐情見所以撥轉關捩子出自己見解云休相憶清風匝地有何極旣休相憶你脚跟下事又作麼

生雪竇道卽今箇裏匝地清風天上天下有何
所極雪竇拈千古萬古之事拋向面前非止雪
竇當時有何極你諸人分上亦有何極他又怕
人執在這裏再着方便高聲云這裏還有祖師
麼自云有雪竇到這裏不妨爲人赤心片片又
自云喚來與老僧洗脚大煞滅人威光當時也
好與本分手脚且道雪竇意在什麼處到這裏
喚作驢則是喚作馬則是喚作祖師則是如何
名邈徃徃喚作雪竇使祖師去也且喜沒交涉

且道畢竟作麼生只許老胡知不許老胡會
垂示云乾坤窄日月星辰一時黑直饒棒如雨
點喝似雷奔也未當得向上宗乘中事設使三
世諸佛只可自知歷代祖師全提不起一大藏
教詮注不及明眼衲僧自救不了到這裏作麼
生請益道箇佛字拖泥帶水道箇禪字滿面慚
惶久參上士不待言之後學初機直須究取
舉趙州示衆云這老漢作什麼莫打這葛藤
至道無難非難非易唯嫌揀擇眼前是什麼

三祖猶在兩頭三纔有語言是揀擇是明白

面少賣弄魚行水濁鳥飛三十字俗老僧不在明

白裏賊身已露這老漢向什麼處去是汝還

護惜也無敗也也有一箇半箇時有僧問既

不在明白裏護惜箇什麼也好與一撥舌柱

州云我亦不知一撥舌柱按殺這老漢倒退三二千

僧云和尚既不知為什麼却道不在明白裏

看走向什麼處去逐教上樹去州云問事即

得禮拜了退輒有這一着這老賊

鉸

趙州和尚尋常舉此話頭只是唯嫌揀擇此是

三祖信心銘云至道無難唯嫌揀擇但莫憎愛

洞然明白纔有是非是揀擇是明白纔恁麼會

差過了也缺釘膠粘堪作何用州云是揀擇是

明白如今參禪問道不在揀擇中便坐在明白

裏老僧不在明白裏汝等還護惜也無汝諸人

既不在明白裏且道趙州在什麼處為什麼却

教人護惜五祖先師常說道垂手來似過你你

作麼生會且道作麼生是垂手處識取鈎頭意

莫認定盤星這僧出來也不妨奇特捉趙州空
處便去搜他既不在明白裏護惜箇什麼趙州
更不行棒行喝只道我亦不知若不是這老漢
被他搜着徃徃忘前失後賴是這老漢會轉身
自在處所以如此答他如今禪和子問着也道
我亦不知不會爭奈同途不同轍這僧有奇特
處方始會問和尚既不知爲什麼却道不在明
白裏更好一搜若是別人徃徃分疏不下趙州
是作家只向他道問事卽得禮拜了退這僧依

舊無柰這老漢何只得飲氣吞聲此是大手宗
師不與你論玄論妙論機論境一向以本分事
接人所以道相罵饒你接紫相唾饒你潑水殊
不知道老漢平生不以棒喝接人只以平常言
語只是天下人不柰何蓋爲他平生無許多計
較所以橫拈倒用逆行順行得大自在如今人
不理會得只管道趙州不答話不爲人說殊不
知當面蹉過

至道無難

三二重公案滿口含霜道什麼言端

語端魚行水濁七花八裂捺胡也一有各種

分開好只一般有什麼了期二無兩般何堪

四五六七打葛藤作什麼天際日上月下觀

面相呈頭上漫漫脚下漫漫切忌昂頭低頭

檻前山深水寒一死更不再活還覺寒毛卓

是它同參 骸體識盡喜何立 棺木裏瞠眼盧行者

連磨遊東土 難難邪法難扶倒一說這裏是

什麼所在說難說易 揀擇明白君自看 瞎將

枯木龍吟銷未乾 咄枯木再生花

何字恐作猶可字

謂出別人賴值自看不干山僧事

雪竇知佗落處所以如此頌至道無難便隨後

道言端語端舉一隅不以三隅及雪竇道一有

多種二無兩般似三隅及一你且道什麼處是

言端語端處為什麼一却有多種二却無兩般

若不具眼向什麼處摸索若透得這兩句所以

古人道打成一片依舊見山是山水是水長是

長短是短天是天地是地有時喚天作地有時

喚地作天有時喚山不是山喚水不是水畢竟

不是山下有時二字恐有明字

怎生得平穩去風來樹動浪起船高春生夏長
秋收冬藏一種平懷泯然自盡則此四句頌頓
絕了也雪竇有餘才所以分開結裏笑來也只
是頭上安頭道至道無難言端語端一有兩種
二無兩般雖無許多事天際日上時月便下檻
前山深時水便寒到這裏言也端語也端頭頭
是道物物全真豈不是心境俱忘打成一片處
雪竇頭上太孤峻生末後也漏逗不少若參得
透見得徹自然如醍醐上味相似若是情解未

忘便見七花八裂決定不能會如此說話體
識盡善何立枯木龍吟銷未乾只這便是交加
處已下四字福無忌行趙州恁麼答州云至道無難唯
嫌揀擇纔有語言是揀擇是明白老僧不在明
白裏是汝還護惜也無時有僧便問既不在明
白裏又護惜箇什麼州云我亦不知僧云和尚
既不知爲什麼却道不在明白裏州云問事即
得禮拜了退此是古人問道底公案雪竇拽來
一串穿却用頌至道無難唯嫌揀擇如今人不

會古人意只管咬言嚼句有甚了期若是通方
作者始能辨得這般說話不見僧問香嚴如何
是道嚴云枯木裏龍吟僧云如何是道中人嚴
云髑髏裏眼睛僧後問石霜如何是枯木裏龍
吟霜云猶帶喜在如何是髑髏裏眼睛霜云猶
帶識在僧又問曹山如何是枯木裏龍吟山云
血脉不斷如何是髑髏裏眼睛山云乾不盡什
麼人得聞山云盡大地未有一箇不聞僧云水
審龍吟是何章句山云不知是何章句問者皆

乾不盡下僧云二字可知

喪復有頌云枯木龍吟真見道髑髏無識眼初
明喜識盡時消息盡當人那辨濁中清雪竇可
謂大有手脚一時與你交加頌出然雖如是都
無兩般雪竇末後有為人處更道難難只這難
難也須透過始得何故百丈道一切語言山河
大地一一轉歸自己雪竇凡是一拈一掇到末
後須歸自己且道什麼處是雪竇為人處揀擇
明白君自看既是打葛藤頌了因何却道君自
看好彩教你自看且道意落在什麼處莫道諸

人理會不得設使山僧到這裏也只是理會不得

垂示云一機一境一言一句且圖有箇入處好肉上剜瘡成窠成窟大用現前不存軌則且圖知有向上事蓋天蓋地又摸索不着恁麼也得不恁麼也得太廉纖生恁麼也不得不恁麼也不得大孤危生不涉二塗如何即是請試舉看舉馬大師不安這漢漏逗不少帶累別人去也院主問和尚近日尊候如何四百四病一

鼎發三日後不送亡僧是好手仁義道中大

師云日面佛月面佛可憇新鮮養子之緣

馬大師不安院主問和尚近日尊候如何大師云日面佛月面佛祖師若不以本分事相見如何得此道光輝此箇公案若知落處便獨步丹霄若不知落處徃徃枯木巖前差路去在若是本分人到這裏須是有驅耕夫之牛奪飢人之食底手脚方見馬大師為人處如今多有人道馬大師接院主且喜沒交涉如今眾中多錯會

瞠眼云在這裏左眼是日面右眼是月面有什麼交涉俗語驢年未夢見在只管蹉過古人事只如馬大師如此道意在什麼處有底云點平胃散一盞來有什麼巴鼻到這裏作麼生得平穩夫所以道向上一路千聖不傳學者勞形如猿捉影只這日面佛月面佛極是難見雪竇到此亦是難頌却爲他見得透用盡平生工夫指注他諸人要見雪竇麼看取下文

日面佛月面佛

開口見膽如兩面鏡相照於

中無影像五帝三皇是何物太高生莫護他

好可貴可賤二十年來曾苦辛自是你落草

不于山僧事啞子喫苦瓜爲君幾下蒼龍窟

何消息麼莫錯用心好也莫道無奇特屈愁

殺人愁人莫向愁人說堪述向阿誰說說

愁人愁殺人明眼衲僧莫輕忽更須子細

倒退三千

神宗在位時自謂此頌諷國所以不肯入藏雪竇先拈云日面佛月面佛一拈了却云五帝三

皇是何物且道他意作麼生適來已說了也直
下注他所以道垂鉤四海只釣獰龍只此一句
已了後面雪竇自頌他平生所以用心叅尋二
十年來曾苦辛爲君幾下蒼龍窟似箇什麼一
似人入蒼龍窟裏取珠相似後來打破漆桶將
謂多少奇特元來只消得箇五帝三皇是何物
且道雪竇語落在什麼處須是自家退步看方
始見得他落處豈不見興陽剖侍者答遠錄公
問娑竭出海龍宮震觀面相呈事若何剖云金

翅鳥王當宇宙箇中誰是出頭人遠云忽遇出
頭又作麼生剖云似鶻捉鳩君不信觸髅前驗
始知親遠云恁麼則屈節當宵退身三步剖云
須彌脚下烏龜立更待臨時點額圓所以三皇
五帝亦是何物人多不見雪竇意只管道諷國
若恁麼會只是情見此乃禪月題公子行云錦
衣鮮華手擎鶻閑行氣貌多輕忽稼穡艱難總
不知五帝三皇是何物雪竇道屈堪述明眼衲
僧莫輕忽多少人向蒼龍窟裏作活計直饒是

頂門具眼肘後有符明眼衲僧照被四天下到這裏也莫輕忽須是子細始得

垂示云青天白日不可更指東劃西時節因緣

亦須應病與藥且道放行好把定好試舉看

舉德山到瀉山擔板漢野狐精挾複子於法

堂上不妨令人疑着納敗缺從東過西從西

過東可煞有禪作什麼顧視云無無便出好

與二十棒可煞氣衝天真師子兒善師子吼

雪竇着語云勘破了也錯果然點德山至門

首却云也不得草草放去收來頭上太高生

末後太低生知過必改能有幾人便具威儀

再入相見依前作這去就已是第二重敗缺

喚瀉山坐次冷眼看這老漢捋虎鬚也須是

這般人始得德山提起坐具云和尚改頭換

面無風起浪瀉山擬取拂子須是那漢始得

運籌帷幄之中不妨坐斷天下人舌頭德山

便喝拂袖而出野狐精見解這一喝也有權

也有實也有照也有用一等是拏雲攬霧者

就中奇特。雪竇着語云勘破了也。錯果然點

德山背却法堂着草鞋便行。風光可愛。公案

未圓贏得項上笠。失却脚下鞋。已是喪身失

命了也。瀉山至晚問首座適來新到在什麼

處。東邊落節西邊拔本眼觀東南意在西北

首座云當時背却法堂着草鞋出去也。靈龜

曳尾好與三十棒。這般漢腦後合喫多少。瀉

山云此子已後向孤峰頂上盤結草庵。呵佛

罵祖去在。賊過後張弓。天下衲僧跳不出。雪

竇着語云雪上加霜。錯果然點

夾山下三箇點字。諸人還會麼。有時將一莖草

作丈六金身。有時將丈六金身作一莖草。用

德山本是講僧。在西蜀講金剛經。因教中道金

剛喻定後得智。中千劫學佛威儀。萬劫學佛細

行。然後成佛。他南方魔子便說。即心是佛。遂發

憤。擔䟽鈔行脚。直往南方。破這魔子輩。看他恁

麼發憤。也是箇猛利底。漢初到澧州路上。見一

婆子賣油糍。遂放下䟽鈔。且買點心。喫婆云所

䟽鈔

載者是什麼德山云金剛經疏鈔婆云我有一
問你若答得布施油糍作點心若答不得別處
買去德山云但問婆云金剛經云過去心不可
得現在心不可得未來心不可得上座欲點那
箇心山無語婆遂指令去叅龍潭纔跨門便問
久響龍潭及乎到來潭又不見龍潭又不現龍潭
和尚於屏風後引身云子親到龍潭師乃設禮
而退至夜間入室侍立更深潭云何不下去山
遂环重揭簾而出見外面黑却回云門外黑潭

紙燭度與山山方接潭便吹滅山豁然大
悟便禮拜潭云子見箇什麼便禮拜山云某甲
自今後更不疑着天下老和尚舌頭至來日潭
上堂云可中有箇漢牙如劍樹口似血盆一棒
打不回頭他時異日向孤峰頂上立吾道去在
山遂取疏鈔於法堂前將火炬舉起云窮諸玄
辯若一毫置於太虛竭世樞機似一滴投於巨
壑遂燒之後聞馮山盛化直造馮山便作家相
見包亦不解直上法堂從東過西從西過東顧

碧岩集卷之一
視云無無便出且道意作麼生莫是顛麼人多
錯會用作建立直是無交涉看他恁麼不妨奇
特所以道出群須是英靈漢敵聖還他師子兒
選佛若無如是眼假饒千載又奚爲到這裏須
是通方作者方始見得何故佛法無許多事那
裏看得情見來是他心機那裏有如許多阿勞
所以玄沙道直似秋潭月影靜夜鐘聲隨扣擊
以無虧觸波瀾而不散猶是生死岸頭事到這
裏亦無得失是非亦無奇特玄妙既無奇特玄

妙作麼生會他從東過西從西過東且道意作
麼生瀉山老漢也不管他若不是瀉山也被他
折挫一上看他瀉山老作家相見只管坐觀成
敗若不深辨來風爭能如此雪竇着語云勘破
了也一似鐵櫛相似衆中謂之着語雖然在兩
邊却不住在兩邊作麼生會他道勘破了也什
麼處是勘破處且道勘破德山勘破瀉山德山
遂出到門首却要拔本五字極本全無之說行文自云也不得草草要與
瀉山揪出五臟心肝法戰一場再具威儀却回

相見馮山坐次德山提起坐具云和尚馮山擬取拂子德山便喝拂袖而出可煞奇特衆中多道馮山怕他有甚交涉馮山亦不忙所以道智過於禽獲得禽智過於獸獲得獸智過於人獲得人參得這般禪盡大地森羅萬象天堂地獄草芥人畜一時作一喝來他亦不管掀倒禪床喝散大衆他亦不顧如天之高似地之厚馮山若無坐斷天下人舌頭底手脚時驗他也大難若不是他一千五百人善知識到這裏也分疎

訥堂福本作師

不干馮山是運籌帷幄決勝千里德山背却法堂着草鞋便出去且道他意作麼生你道德山是勝是負馮山怎麼是勝是負雪竇着語云勘破了也是他下工夫見透古人聲訛極則處方能怎麼不妨奇特訥堂云雪竇着兩箇勘破作三段判方顯此公案似傍人斷二人相似後來這老漢緩緩地至晚方問首座適來新到在什麼處首座云當時背却法堂着草鞋出去也馮山云此子已後向孤峰頂上盤結草庵呵佛罵

祖去在且道他意旨如何。馮山老漢不是好心。德山後來呵佛罵祖，打風打雨，依舊不出他窠窟。被這老漢見透平生伎倆，到這裏喚作馮山。與他受記得麼？喚作澤廣藏山，理能伏豹得麼？若恁麼且喜沒交涉。雪竇知此公案落處，敢與他斷更道雪上加霜，又重拈起來教人見。若見得去，許你與馮山德山雪竇同參。若也不見，切忌妄生情解。

一勘破言猶在耳過二勘破兩重公案雪上

加霜曾嶮墮二段不同在什麼處飛騎將軍

入虜庭嶮敗軍之將無勢再斬喪身天命再

得完全能幾箇死中得活急走過傍若無人

三十六策盡亦神通堪作何用不放過理能

伏豹穿却鼻孔孤峰頂上草裏坐果然穿過

鼻孔也未為奇特為什麼却在草裏坐咄會

麼兩刃相傷兩兩三三舊路行唱拍相隨便

打

雪竇頌一百則公案一則則焚香拈出所以大

行於世他更會文章透得公案盤礴得熟方可
下筆何故如此龍蛇易辨衲子難瞞雪竇參透
這公案於節角聲訛處着三句語撮來頌出雪
上加霜幾乎嶮墮只如德山似什麼一似李廣
天性善射天子封爲飛騎將軍深入虜庭被單
于生獲廣時傷病置廣兩馬間絡而盛臥廣遂
詐死睨其傍有一胡兒騎善馬廣騰身上馬推
墮胡兒奪其弓矢鞭馬南馳彎弓射退追騎以
故得脫這漢有這般手段死中得活雪竇引在

頌中用比德山再入相見依舊被他跳得出去
看他古人見到說到行到用到不妨英靈有殺
人不貶眼底手脚方可立地成佛有立地成佛
底人自然殺人不貶眼方有自由自在分如今
人有底問着頭上一似衲僧氣槩輕輕撥着便
腰做段股做截七支八離渾無些子相續處所
以古人道相續也大難看他德山瀉山如此豈
是癸癸莫莫底見解再得完全能幾箇急走過
德山喝便出去一似李廣被捉後設計一箭射

殺一箇番將得出虜庭相似雪竇頌到此大有工夫德山背却法堂着草鞋出去道得便宜殊不知這老漢依舊不放他出頭在雪竇道不放過瀉山至晚間問首座適來新到在什麼處首座云當時背却法堂着草鞋出去也瀉山云此子他日向孤峰頂上盤結草庵呵佛罵祖去在幾曾（按云此四字係衍文）是放過來不妨奇特到這裏雪竇爲什麼道孤峰頂上草裏坐又下一喝且道落在什麼處更（按云此字係衍文）參三十年

垂示云大凡扶豎宗教須是英靈底漢有殺入不眨眼底手脚方可立地成佛所以照用同時卷舒齊唱理事不二權實並行放過一着建立第二義門直下截斷葛藤後學初機難爲湊泊昨日恁麼事不獲已今日又恁麼罪過彌天若是明眼漢一點謾他不得其或未然虎口裏橫身不免喪身失命試舉看

舉雪峰示衆云（一）盲引衆盲不爲分外盡大地撮來如粟米粒大（二）是什麼手段山僧從來

不弄鬼眼睛，拋向面前。只恐拋不下，有什麼伎倆。漆桶不會倚勢欺人，自領出去莫讓太衆好。打鼓普請看。瞎打鼓爲二軍。

雲
長慶問雲門：雪峰與麼道，還有出頭不得處麼？門云：有慶云：作麼生？門云：不可總作野狐精見。鮮雪峰云：匹上不足，匹下有餘。我更與你打葛藤拈拄杖云：還見雪峰麼？咄！王令稍嚴，不許攙奪行市。大滂詰云：我更與你諸人土上加泥拈拄杖云：看看雪峰向諸人面前放，何咄爲什麼？

齊一本作時

屎臭也不知，雪峰示衆云：盡大地撮來如粟米粒大，古人接物利生有奇特處，只是不妨辛勤。三上投子九到洞山，置漆桶木杓到處作飯頭也。只爲透脫此事，及至洞山作飯頭，一日洞山問雪峰：作什麼峰？云：淘米。山云：淘沙去米，淘米去沙。峰云：沙米一齊去。山云：大衆喫箇什麼峰？便覆盆山云：子緣在德山，指令見之，纔到便問從上宗乘中，事學人還有分也。無德山打一棒云：道什麼？因此有省後在鰲山阻雪，謂巖頭云：

我當時在德山棒下如桶底脫相似巖頭喝云
你不見道從門入者不是家珍須是自己胸中
流出蓋天盖地方有少分相應雪峰忽然大悟
禮拜云師兄今日始是鰲山成道如今人只管
道古人特地做作教後人依規矩若恁麼正是
謗他古人謂之出佛身血古人不似如今人苟
且豈以一言半句以當平生若扶豎宗教續佛
壽命所以此一言半句自然坐斷天下人舌頭
無你看意路作情解涉道理處看他此箇示眾

蓋爲他曾見作家來所以有作家鉗鎚凡出一
言半句不是心機意識思量鬼窟裏作活計直
是超群拔萃坐斷古今不容擬議他家用處盡
是如此一日示眾云南山有一條鰲鼻蛇汝等
諸人切須好看取時稜道者出眾云恁麼則今
日堂中大有入喪身失命去在又云盡大地是
沙門一隻眼汝等諸人向什麼處看又云望州
亭與汝相見了也烏石嶺與汝相見了也僧堂
前與汝相見了也時有僧出便問僧堂前即且

置如何是望州亭烏石嶺相見處雪峰驟步歸
方丈他常舉這般語示眾只如道盡大地撮來
如粟米粒大這箇時節且道以情識卜度得麼
須是打破羅籠得失是非一時放下洒洒落落
自然透得他圈纒方見他用處且道雪峰意在
什麼處人多作情解道心是萬法之主盡大地
一時在我手裏且喜沒交涉到這裏須是箇真
實漢聊聞舉着徹骨徹髓見得透且不落情思
意思若是箇本色行脚衲子見他恁麼已是耶

當爲人了也看他雪竇頌云

牛頭沒閃電相似蹉過了也馬頭回如擊石

曹溪鏡裏絕塵埃打破鏡來與你相見須

是打破始得打鼓看來君不見刺破你眼睛

莫輕易好漆桶有什麼難見處百花春至爲

誰開法不相鏡一場狼籍葛藤窟裏出頭來

雪竇自然見他古人只消去他命脉上一劄與
他頌出牛頭沒馬頭回且道說箇什麼見得透
底如早朝喫粥齋時喫飯相似只是尋常雪竇

慈悲當頭一鎚擊碎一句截斷只是不妨孤峻
如擊石火似閃電光不露鋒鏘無你湊泊處且
道向意根下摸索得麼此兩句一時道盡了也
雪竇第三句却通一線道略露些風規早是落
草第四句直下更是落草若向言上生言句上
生句意上生意作解作會不唯帶累老僧亦乃
辜負雪竇古人句雖如此意不如此終不作道
理繫縛人曹溪鏡裏絕塵埃多少人道靜心便
是鏡且喜沒交涉只管作計較道理有什麼了

期這箇是本分說話山僧不敢不依本分牛頭
沒馬頭回雪竇分明說了也自是人不見所以
雪竇如此即當頌道打鼓看來君不見癡人還
見麼更向你道百花春至爲誰開可謂豁開戶
牖與你一時八字打開了也及乎春來幽谷野
澗乃至無入處百花競發你且道更爲誰開
舉雲門垂語云十五日已前不問汝半河南
半河北這裏不收舊曆日十五日已後道將
一句來不免從朝至暮切忌道着來日是十

六日月如流

自代云日日是好日

收艱跳不

出斗誰家無明月清風還知麼海神知貴不

知價

雲門初參睦州州旋機電轉直是難湊泊尋常
接入纜跨門便擡住云道道擬議不來便推出
云秦時轆轤鑽雲門凡去見至第二回纜敲門
州云誰門云文偃纜開門便跳入州擡住云道
道門擬議便被推出門一足在門闔內被州急
合門拶折雲門脚門忍痛作聲忽然大悟後來

語脉接入一模脫出睦州後於陳操尚書宅住
三年睦州指往雪峰處去至彼出眾便問如何
是佛峰云莫寐語雲門便禮拜一住三年雪峰
一日問子見處如何門云某甲見處與從上諸
聖不移易一絲毫許靈樹二十年不請首座常
云我首座生也又云我首座牧牛也復云我首
座行脚也忽一日令撞鐘三門前接首座眾皆
訝之雲門果至便請入首座寮解包靈樹人號
曰知聖禪師過去未來事皆預知一日廣主劉

王將興兵躬入院請師決滅杏靈樹已先知怡然坐化廣主怒曰和尚何時得疾侍者對曰師不曾有疾適封一合子令俟王來呈之廣主開合得一帖子云人天眼目堂中首座廣主悟昔遂寢兵請雲門出世住靈樹後來方住雲門師開堂說法有鞠常侍致問靈樹果子熟也未門云什麼年中得信道生復引劉王昔為賣香客等因緣劉王後謚靈樹為知聖禪師靈樹生生不失通雲門凡三生為王所以失通一日劉王

詔師入內過夏共數人尊宿皆受內人問訊說法唯師一人不言亦無人親近有一直殿使書一偈貼在碧玉殿上云大智修行始是禪禪門宜默不宜喧萬般巧說爭如實輸却雲門總不言雲門尋常愛說三字禪顧鑒映又說一字禪僧問殺父殺母佛前懺悔殺佛殺祖向什麼處懺悔門云露又問如何是正法眼藏門云普直是不容擬議到平鋪處又却罵入若下一句語如鐵橛子相似後出四哲乃洞山初智門寬德

山圓香林遠皆為大宗師香林十八年為侍者
凡接他只叫遠侍者遠云啗門云是什麼如此
十八年一日友悟門云我今後更不叫汝雲門
尋常接入多用睦州手段只是難為湊泊有抽
釘拔楔底鉗鎚雪竇道我愛韶陽新定機一生
與入抽釘拔楔垂箇問頭示眾云十五日已前
不問汝十五日已後道將一句來坐斷千差不
通凡聖自代云日日是好日十五日已前這語
已坐斷千差十五日已後這語也坐斷千差是

他不道明日是十六後人只管隨語生解有什
麼交涉他雲門立箇宗風須是有箇為人處垂
語了却自代云日日是好日此語通貫古今從
前至後一時坐斷山僧如此說話也是隨語生
解他殺不如自殺纔作道理墮坑落壑雲門一
句中三句俱備蓋是他家宗旨如此垂一句語
須要歸宗若不如此只是杜撰此事無許多論
說爾未透者却要如此若透得便見古人意旨
看取雪竇打葛藤

去却一七穿入穴向什麼處去放過一着拈

得七拈不出却不放過上下四維無等匹何

似生上是天下是地東南西北與四維有什

麼等匹爭柰拄杖在我手裏徐行踏斷流水

聲莫問脚跟下難爲体究打入葛藤窟裏去

了也縱觀寫出飛禽跡眼裏亦無此消息野

狐精見解依前只在舊窠窟裏草茸茸腦後

拔箭是什麼消息墮在平實處煙幕幕未出

這窠窟是下雲外空生巖畔花狼籍在什麼

處不唧溜漢勘破也彈指堪悲舜若多四

方八面盡法界向舜若多鼻孔裏道將一句

來在什麼處莫動着前言何在動着時如何

動着三十棒自領出去便打

雪竇頌古偏能如此當頭以金剛王寶劍揮一

下了然後略露些風規雖然如此畢竟無有二

解去却一拈得七人多作美教會道去却一是

十五日已前事雪竇驀頭下兩句言語印破了

却露出教人見去却一拈得七切忌向言句中

作活計何故胡餅有什麼汁人多落在意識中須是向語句未生已前會取始得大用現前自然見得也所以釋迦老子成道後於摩竭提國三七日中思惟如是事諸法寂滅相不可以言宣我寧不說法疾入於涅槃到這裏竟箇開口處不得以方便力故爲五比丘說已至三百六十會說一代時教只是方便所以脫珍御服着弊垢衣不得已而向第二義門中淺近之處誘引諸子若教他向上全提盡大地無一箇半箇

且道作麼生是第一句到這裏雪竇露此意教人見你但上不見有諸佛下不見有衆生外不見有山河大地內不見有見聞覺知如大死底人却活相似長短好惡打成一片一一拈來更無異見然後應用不失其宜方見他道去却一拈得七上下四維無等匹若於此句透得直得上下四維無有等匹森羅萬象草芥人畜着着全彰自己家風所以道萬象之中獨露身惟人自肯乃方親昔年謬向途中覓今日看來火裏

冰天上天下惟我獨尊人多逐末不求其本先得本正自然風行草偃水到渠成徐行踏斷流水聲徐徐行動時浩浩流水聲也應踏斷縱觀寫出飛禽跡縱目一觀直饒是飛禽跡亦如寫出相似到這裏鑊湯爐炭吹教滅劔樹刀山喝便摧不爲難事雪竇到此慈悲之故恐人坐在無事界中復道草茸茸烟冪冪所以蓋覆却直得草茸茸烟冪冪且道是什麼人境界喚作日日是好日得麼且喜沒交涉直得徐行踏斷流

水聲也不是縱觀寫出飛禽跡也不是草茸茸也不是烟冪冪也不是直饒總不恁麼正是空生巖畔花狼籍也須是轉過那邊始得豈不見須菩提巖中宴坐諸天雨花讚嘆尊者曰空中雨花讚嘆復是何人天曰我是天帝釋尊者曰汝何讚嘆天曰我重尊者善說般若波羅蜜多尊者曰我於般若未嘗說一字汝云何讚嘆天曰尊者無說我乃無聞無說無聞是真般若又復動地雨花雪竇亦曾有頌云雨過雲凝曉半

開數峰如畫碧崔嵬空生不解巖中坐惹得天
花動地來天帝既動地雨花到這裏更藏去那
裏雪竇又道我恐逃之逃不得大方之外皆充
塞忙忙擾擾知何窮八面清風惹衣裊直得淨
皜皜赤洒洒都無纖毫過患也未爲極則且畢
竟如何即是看取下文云彈指堪悲舜若多梵
語舜若多此云虛空神以虛空爲體無身覺觸
得佛光照方現得身你若得似舜若多神時雪
竇正好彈指悲歎又云莫動着動着時如何白

日青天開眼瞌睡

垂示云聲前一句千聖不傳未曾親觀如隔大
千設使向聲前辨得截斷天下人舌頭亦未是
性懌漢所以道天不能蓋地不能載虛空不能
容日月不能照無佛處獨稱尊始較此子其或
未然於一毫頭上透得放大光明七縱八橫於
法自在自由信手拈來無有不是且道得箇什
麼如此奇特復云大衆會麼從前汗馬無人識
只要重論蓋代功卽今事且致雪竇公案又作

麼生看取下文

舉僧問法眼

道什麼擔枷過狀

慧超咨和尚

如何是佛

道什麼眼睛突出

法眼云汝是慧

超

依模脫出鍊餒餒就身打劫

法眼禪師有啐啄同時底機具啐啄同時底用
方能如此答語所謂超聲越色得大自在縱奪
臨時殺活在我不妨奇特然如此箇公案諸方
商量者多作情解會者不少不知古人凡番示
一言半句如擊石火似閃電光直下撥開一條

正路後人只管去言句上作解會道慧超便是
佛所以法眼恁麼答有者道大似騎牛覓牛有
者道問處便是有什麼交涉若恁麼會去不惟
辜負自己亦乃深屈古人若要見他全機除非
是一棒打不回頭底漢牙如劍樹口似血盆向
言外知歸方有少分相應若一一作情解盡大
地是滅胡種族底漢只如超禪客於此悟去也
是他尋常管帶參究所以一言之下如桶底脫
相似只如則監院在法眼會中也不曾參請人

室。一日法眼問云：則監院何不來入室？則云：和尚豈不知某甲於青林處有箇入頭？法眼云：汝試爲我舉看。則云：某甲問如何是佛？林云：丙丁童子來求火。法眼云：好語，恐你錯會。可更說看。則云：丙丁屬火，以火求火。如某甲是佛，更去覓佛法眼云：監院果然錯會了也。則不憤，便起單渡江去。法眼云：此人若回，可救；若不回，救不得也。則到中路，自忖云：他是五百人善知識，豈可賺我耶？遂回，再參法眼云：你但問我，我爲你答。

則便問如何是佛？法眼云：丙丁童子來求火，則於言下大悟。如今有者，只管瞠眼作解會，所謂彼既無瘡，勿傷之也。這般公案，久參者一舉便知落處。法眼下謂之箭鋒相拄，更不用五位君臣、四料簡、直論箭鋒相拄，是他家風。如此一句下，便見當陽便透。若向句下尋思，卒摸索不着。法眼出世有五百眾，是時佛法大興，時韶國師久依疎山，自謂得旨，乃集疎山平生文字頂相，領眾行脚。至法眼會下，他亦不去入室，只令參。

徒隨眾入室一日法眼陞座有僧問如何是曹
 源一滴水法眼云是曹源一滴水其僧惘然而
 退韶在眾聞之忽然大悟後出世承嗣法眼有
 頌呈云通玄峰頂不是人間心外無法滿目青
 山法眼印云只這一頌可繼吾宗子後有王侯
 敬重吾不如汝看他古人恁麼悟去是什麼道
 理不可只教山僧說須是自己二六時中打辦
 精神似恁麼與他承當他日向十字街頭垂手
 爲人也不爲難事所以僧問法眼如何是佛法

眼云汝是慧超有甚相辜負處不見雲門道舉
 不顧卽差互擬思量何劫悟雪竇後面頌得不
 妨顯赫試舉看

江國春風吹不起盡大地那裏得這消息文

彩已彰鷓鴣啼在深花裏喃喃何用又被風

吹別調中豈有恁麼事三汲浪高魚化龍通

這一路莫謾大衆好踏着龍頭癡人猶岸夜

塘水扶籬摸壁挨門傍戶衲僧有什麼用處

守株待兔

雪竇是作家於古人難咬難嚼難透難見節角
誦訛處頌出教人見不妨奇特雪竇識得法眼
關棧子又知慧超落處更恐後人向法眼言句
下錯作解會所以頌出這僧如此問法眼如是
荅便是江國春風吹不起鷓鴣啼在深花裏此
兩句只是一句且道雪竇意在什麼處江西江
南多作兩般解會道江國春風吹不起用頌汝
是慧超只這箇消息直饒江國春風也吹不起
鷓鴣啼在深花裏用頌諸方商量這話浩浩地

似鷓鴣啼在深花裏相似有什麼交涉殊不知
雪竇這兩句只是一句要得無縫無罅明明向
汝道言也端語也端蓋天蓋地他問如何是佛
法眼云汝是慧超雪竇道江國春風吹不起鷓
鴣啼在深花裏向這裏薦得去可以丹青獨步
你若作情解三生六十劫雪竇第三第四句忒
煞傷慈爲人一時說破超禪師當下大悟處如
三級浪高魚化龍癡人猶岸夜塘水禹門三汲
浪孟津卽是龍門禹帝鑿爲三級今三月三桃

花開時天地所感有魚透得龍門頭上生角昂
鬚鬣尾擎雲而去跳不得者點額而回癡人向
言下咬嚼似屎夜塘之水求魚相似殊不知魚
已化爲龍也端師翁有頌云一文大光錢買得
箇油糍喫向肚裏了當下不聞飢此頌極好只
是太拙雪竇頌得極巧不傷鋒犯手舊時慶藏
主愛問人如何是三級浪高魚化龍我也不必
在我且問你化作龍去卽今在什麼處
垂示云會則途中受用如龍得水似虎靠山不

會則世諦流布羝羊觸藩守株待兔有時一句
如踞地獅子有時一句如金剛王寶劍有時一
句坐斷天下人舌頭有時一句隨波逐浪若也
途中受用遇知音別機宜識休咎相共證明若
也世諦流布具一隻眼可以坐斷十方壁立千
仞所以道大用現前不存軌則有時將一莖草
作丈六金身用有時將丈六金身作一莖草用
且道憑箇什麼道理還委悉麼試舉看
舉翠岳夏末示衆云一夏以來爲兄弟說話

開口焉知恁麼看翠岳眉毛在麼只贏得眼
清也落地和鼻孔也失了人地獄如箭射保
福云作賊人心虛灼然是賊識賊長慶云生
也舌頭落地將錯就錯果然雲門云關走在
什麼處去天下衲僧跳不出敗也

古人有晨參暮請翠岳至夏末却恁麼示眾然
而不妨孤峻不妨驚天動地且道一大藏教五
千四十八卷不免說心說性說頓說漸還有這
箇消息麼一等是恁麼時節翠岳就中奇特看

他恁麼道且道他意落在什麼處古人垂一鉤
終不虛設須是有箇道理爲人人多錯會道白
日青天說無向當話無事生事夏末先自說過
先自點檢免得別人點檢他且喜沒交涉這般
見解謂之滅胡種族歷代宗師出世若不垂示
於人都無利益圖箇什麼到這裏見得透方知
古人有驅耕夫之牛奪飢人之食手段如今人
問着便向言句下咬嚼眉毛上作活計看他屋
裏人自然知他行履處千變萬化節角聲訛着

着有出身之路便能如此與他酬唱此語若無
奇特雲門保福長慶三人啞啞地與他酬唱作
什麼保福云作賊人心虛只因此語惹得適來
說許多情解且道保福意作麼生切忌向句下
覓他古人你若生情起念則換你眼睛殊不知
保福下一轉語截斷翠岳脚跟長慶云生也人
多道長慶隨翠岳脚跟轉所以道生也且得沒
交涉不知長慶自出他見解道生也各有出身
處我且問你是什麼處是生處一似作家面前

子
金剛王寶劍直下便用若能打破常流見解截
斷得失是非方見長慶與他酬唱處雲門云關
不妨奇特只是難參雲門大師多以一字禪示
人雖一字中須具三句看他古人臨機酬唱自
然與今時人迥別此乃下句底樣子他雖如此
道意決不在那裏既不在那裏且道在什麼處
也須仔細自參始得若是明眼人有照天照地
底手脚直下八面玲瓏雪竇爲他一箇關字和
他三箇穿作一串頌出

翠岳示徒

這老賊教壞人家男女

千古無對

千箇萬箇也有一箇半箇分一節關字相酬

不信道不妨奇特若是恁麼人方解恁麼道

失錢遭罪

飲氣吞聲雪竇也不少和聲便打

潦倒保福

同行道伴猶作這去就兩箇二三箇

抑揚難得

放行把住誰是同生同死莫謗他

奸且喜沒交涉

嘮嘮翠岳 這野狐精合取口

分明是賊

道着也不妨捉敗了也

白圭無

點 還辨得麼天下人不知價

誰辨真假 多只

是假山僧從來無眼碧眼胡僧

長慶和尚 是

精識精須是他始得未得一生在

眉毛生也

在什麼處從頂門上至脚跟下一莖草也無

雪竇若不恁麼慈悲頌出令人見爭得名善知

識古人如此一一皆是事不獲已蓋為後學着

他言句轉生情解所以不見古人意旨如今忽

有箇出來掀倒禪牀喝散大眾惟他不得雖然

如此也須實到這田地始得雪竇道千古無對

他只道看翠岳眉毛在麼有什麼奇特處便乃

千古無對須知古人吐一言半句出來不是造
次須是有定乾坤底眼始得雪竇着二言半句
如金剛王寶劍如踞地獅子如擊石火似閃電
光若不是頂門具眼爭能見他古人落處這箇
示衆直得千古無對過於德山棒臨濟喝且道
雪竇爲人意在什麼處你且作麼生會他道千
古無對關字相酬失錢遭罪這箇意如何直饒
是具透關底眼到這裏也須子細始得且道是
翠嶺失錢遭罪是雪竇失錢遭罪是雲門失錢

遭罪你若透得許你具眼潦倒保福抑揚辨得
抑自己揚古人且道保福在什麼處是抑什麼
處是揚嘵嘵翠嶺分明是賊且道他偷什麼來
雪竇却道是賊切忌隨他語脉轉却到這裏須
是自有操持始得白圭無玷頌翠嶺大似白圭
相似更無些瑕翳誰辨真假可謂罕有人辨得
雪竇有大才所以從頭至尾一串穿却末後却
方道長慶相諳看毛生也且道生也在什麼處
急着眼看

垂示云明鏡臨臺妍醜自辨鑊錮在手殺活臨
時漢去胡來胡來漢去死中得活活中得死且
道到這裏又作麼生若無透關底眼轉身處到
這裏灼然不奈何且道如何是透關底眼轉身
處試舉看

舉僧問趙州如何是趙州

河北河南總說不

着爛泥裏有刺不在河南正在河北州云東

門西門南門北門

開也相罵饒你接鬚相唾

饒你潑水見成公案還見麼便打

棘

大凡參禪問道明究自己切忌揀擇何何故
不見趙州舉道至道無難唯嫌揀擇又不見雲
門道如今禪和子三箇五箇聚頭口喃喃地便
道這箇是上才語句那箇是就身處打出語不
知古人方便門中爲初機後學未明心地未見
本性不得已而立箇方便語句如祖師西來單
傳心印直指人心見性成佛那裏如此葛藤須
是斬斷語言格外見諦透脫得去可謂如龍得水
似虎靠山久參先德有見而未透透而未明

謂之請益若是見得透請益却要語句上周旋
無有疑滯久參請益與賊過梯其實此事不在
言句上所以雲門道此事若在言句上三乘十
二分教豈是無言句何須達磨西來汾陽十八
問中此問謂之驗主問亦謂之探按問這僧致
箇問頭也不妨奇特若不是趙州也難抵對他
這僧問如何是趙州趙州是本分作家便向道
東門西門南門北門僧云某甲不問這箇趙州
州云你問那箇趙州後人喚作無事禪賺人不

少何故他問趙州州答云東門西門南門北門
所以只答他趙州你若恁麼會三家村裏漢更
是會佛法去只這便是破滅佛法如將魚目比
况明珠似則似是則不是山僧道不在河南正
在河北且道是有事是無事也須是子細始得
遠錄公云末後一句始到牢關指南之旨不在
言詮十日一風五日一雨安邦樂業鼓腹謳歌
謂之太平時節謂之無事不是拍盲便道無事
須是透過關棧子出得荆棘林淨躑躅赤灑灑

依前似平常人由你有事也得無事也得七縱
八橫終不執無定有有般底人道本來無一星
事但只遇茶喫茶遇飯喫飯此是大妄語謂之
未得謂得未證謂證元來不曾參得透見人說
心說性說玄說妙便道只是狂言本來無事可
謂一盲引衆盲殊不知祖師未來時那裏喚天
作地喚山作水來爲什麼祖師更西來諸方陞
堂入室說箇什麼盡是情識計較若是情識計
較情盡方見得透若見得透依舊天是天地是

地也是山水是冰古人道心是根法是塵兩種
猶如鏡上痕到這箇田地自然淨裸裸赤灑灑
若極則理論也未是安穩處在到這裏人多錯
會打在無事界裏佛也不禮香也不燒似則也
似爭奈脫體不是纔問着却是極則相似纔撥
着七花八裂坐在空腹高心處及到臘月三十
日換手搥背已是遲了也這僧恁麼問趙州恁
麼答且道作麼生摸索恁麼也不得不恁麼也
不得畢竟如何這些子是難處所以雪竇拈出

來當面示入趙州一日坐次侍者報云大王來也趙州矍然云大王萬福侍者云未到和尚州云又道來也參到這裏見到這裏不妨奇特南禪師拈云侍者只知報客不知身在帝鄉趙州入草求人_レ不覺渾身泥水_レ這些子實處諸人還知麼看取雪竇頌

句裏呈機劈面來

響魚行水濁莫謗趙州好

爍迦羅眼絕纖埃

撒沙撒土莫帶累趙州撈

天摸地作什麼東西南北門相對_レ開也那裏

有許多門背却趙州城向什麼處去

無限輪

鎚擊不開_レ自是你輪鎚不到開也

趙州臨機一似金剛王寶劍擬議卽截却你頭往往更當面換却你眼睛這僧也敢捋虎鬚致箇問頭大似無事生事爭奈句中有機他旣呈機來趙州也不辜負他問頭所以亦呈機答不_レ是他特地如此蓋爲透底人自然合轍一似安排來相似不見有一外道手握雀兒來問世尊云且道某甲手中雀兒是死耶是活耶世尊遂

騎門闌云你道我出耶入耶一本云世尊豎起拳頭云開也合也外道無語遂禮拜此話便似這公案古人自是血脉不斷所以道問在答處答在問處雪竇如此見得透便道句裏呈機劈面來句裏有機如帶兩意又似問人又似問境相似趙州不移易一絲毫便向他道東門西門南門北門爍迦羅眼絕纖埃此頌趙州人境俱奪向句裏呈機與他答此謂之有機有境纔轉便照破他心膽若不如此難塞他問頭爍迦羅眼者是梵語此云

堅固眼亦云金剛眼照見無碍不唯千里明察秋毫亦乃定邪決正辨得失別機宜識休咎雪竇云東西南北門相對無限輪鎚擊不開既是無限輪鎚何故擊不開自是雪竇見處如此你諸人又作麼生得此門開去請參詳看
垂示云恁麼恁麼不恁麼不恁麼若論戰也箇箇立在轉處所以道若向上轉去直得釋迦彌勒文殊普賢千聖萬聖天下宗師普皆飲氣吞聲若向下轉去醯雞蠅蠹蠢動含靈一一放大

光明一一壁立萬仞儻或不上不下又作麼生
商量有條攀條無條攀例試舉看

舉睦州問僧近離甚處探竿影草僧便喝作

家禪客且莫詐明頭也解恁麼去州云老僧

被汝一喝陷虎之機猴人作麼僧又喝看取

頭角似則似是則未是只恐龍頭蛇尾州云

三喝四喝後作麼生逆水之波未曾有一人

出得頭入那裏去僧無語果然摸索不着州

便打云若使睦州盡令而行盡大地草木悉

斬為三段這掠虛頭漢放過一着落在第二

大凡扶豎宗教須是有本分宗師眼自有本分

宗師作用睦州機鋒如閃電相似愛勘座主尋

常出一言半句似箇荆棘叢相似著手脚不得

他纔見僧來便道見成公案放你三十棒又見

僧云上座僧回首州云檐板漢又示眾云未有

箇入頭處須得箇入頭處既得箇入頭處不得

辜負老僧睦州為人多如此這僧也善雕琢爭

奈龍頭蛇尾當時若不是睦州也被他惑亂一

場只如他問近離什麼處僧便喝且道他意作麼生這老漢也不忙緩緩地向他道老僧被汝一喝似領他話在一邊又似驗他相似斜身看他如何這僧又喝似則似是則未是被這老漢穿却鼻孔來也遂問云三喝四喝後作麼生這僧果然無語州便打云這掠虛頭漢驗人端的處下口便知音可惜許這僧無語惹得睦州道掠虛頭漢若是諸人被睦州道三喝四喝後作麼生合作麼生祇對免得他道掠虛頭漢這

若見識存亡別休咎脚踏實地漢誰管三喝四喝後作麼生只為這僧無語被這老漢便據款結案聽取雪竇頌出

兩喝與三喝雷聲浩大雨點全無自古至今

罕有人恁麼作者知機變若不是作家爭驗

得只恐不恁麼若謂騎虎頭四瞎漢虎頭如

何騎多少人恁麼會也有人作這見解一俱

成瞎漢親言出親口何止兩箇自領出去誰

瞎漢教誰辨賴有末後句泊乎賺殺人拈來

天下與人看，看即不無觀。看即瞎，瞎即梨。若着眼，看則兩手攃空。恁麼舉，且道是第幾機。

雪竇不妨有爲人處，若不是作者，只是胡喝亂喝。所以古人道：有時一喝不作一喝，用有時一喝却作一喝，用有時一喝如踞地獅子，有時一喝如金剛王寶劍。興化道我見你諸人東廊下也喝，西廊下也喝，且莫胡喝亂喝，直饒喝得興化上三十三天，却撲下來，氣息一點也無，待我甦醒起來，向汝道：未在，何故興化未曾向紫羅

帳裏撒真珠，與你諸人在。只管胡喝亂喝，作什麼。臨濟道：我聞汝等總學我喝，我且問你：東堂有僧出，西堂有僧出，兩箇齊下喝，那箇是賓，那箇是主？你若分賓主不得已，後不得學老僧，所以雪竇頌道：作者知機變，這僧雖被睦州收，他却有識機變處。且道什麼處？是這僧識機變處？鹿門智禪師點這僧云：識法者懼，岳頭道若論戰也。箇箇立在轉處，黃龍心和尚道：窮則變，變則通。這箇些子，是祖師坐斷天下人舌頭處。你

若識機變舉着便知落處有般漢云管他道三
喝四喝作什麼只管喝將去說什麼三十二十
喝喝到彌勒佛下生謂之騎虎頭若恁麼知見
不識睦州則故是要見這僧太遠在如人騎虎
頭須是手中有刀兼有轉變始得雪竇道若恁
麼二俱成瞎漢雪竇似倚天長劍凜凜全威若
會得雪竇意自然千處萬處一時會便見他雪
竇後面頌只是下注脚又道誰瞎漢且道是賓
家瞎是主家瞎莫是賓主一時瞎麼拈來天下

與人看此是活處雪竇一時頌了也爲什麼却
道拈來天下與人看且道作麼生看開眼也着
合眼也着還有人免得麼

夾山無碍禪師降魔表

慧芳附刊

臣聞三乘路廣法界無涯智海晏清十方安泰
時有魔軍競起侵撓心田六賊既強心王驚動
朝生百怪暮起千邪撼惑真如因勞法體菩提
道路隔絕不通破壞涅槃傷殘三寶無爲珠玉
悉被偷將大藏法財皆遭劫奪塵勞翳日欲火

且天飄蕩法城焚燒聖境臣乃見如斯瀑亂恐
佛法以難存遂與六波羅蜜商量同爲剪滅遣
性空爲密使聽探魔軍見今屯在五蘊山中有
八萬四千餘衆既知體勢計在剎那遂點十八
界雄兵並立體空爲號人人有無礙之力箇箇
懷勇健之能直心爲見性之功一正去百邪之
亂環堅固甲執三昧鏘智箭禪弓光明慧劍向
大乘門中訓練寂滅山內安營三明嶺上開旗
八正路邊排布遣大覺性爲捉生之將游歷四

方搜求妄想之踪抄截無明之蹟復使慈悲王
破三毒之寨忍辱帥伐嗔怒之城精進軍除傲
慢之妖喜捨士捉慳貪之賊逡巡而魔軍大起
殺氣衝天臣乃部領摩訶一時齊入當爾之時
眼不觀色耳不聽聲鼻不嗅香舌不了味身不
受觸意不攀緣一志向前念念不退倏忽而魔
軍大敗六賊全輸殺戮無邊掃除蕩盡生擒妄
想活捉無明領向涅槃場中以慧劍斬爲二段
煩惱林當時摧折人我山化作微塵癡愛網遭

智火焚燒邪見林，
慧風吹竭因茲三。明再朗，
四智重圓，內外無瑕，
廓然清淨，心王坐權，
喜之殿真如，登解脫之樓，
自性遊無碍之堂，
三身踞法空之座，
從茲法界寧靜，永絕囂塵，
共渡生死之河，
齊到菩提之岸，
魔軍既退，合具奏聞。
佛果圓悟禪師碧巖集卷第一

浙江嘉興府楞嚴寺經坊餘贊刻此
碧岩集卷第一計字一万七千七十四個
該銀十三兩六錢零六分
順治十一年九月 日般若堂識

碧巖集卷第一校謄

卷首

蘇本並元本有張氏及萬里等五序明本
唯置普照一序次列目錄除餘四序今以

明本直精粹

第一紙

二行三行秣陵遠庵吳自
刻故不添補

五字蘇本並元本作師住澧州夾山靈泉禪
院評唱雪竇顯和尚頌古語要二十一字

三紙

六行錯會和本
非錯命非也

第四紙

初行北人蘇本及
元本作此人十六

行問那箇蘇本作阿

第五紙

六行受沈蘇本作
元本同今本

七行淪蘇本作夫元本同今本成

第八紙

十三
行護

正覺蘇本作登妙覺元本同今本

第九紙

二行揀擇和本本作擇擇非也
三行揀擇和本本作揀揀非也

四行鍊釘和本並元本作鍊釘十
三行會轉和本並元本作有轉

第十五紙

九
行

田而和本本作目面非也十八行龍宮和本作乾坤元本全今本第十六紙三行

待臨時和本作座下鳥龜于莫待重遭元本同知親

今本九行活計和第十七紙八行拂袖和本作

本元本笈元本第十九紙十二行敵聖和本作第二十

一紙十三行理能和本作狸能元本同今本第二

二紙四行理能和本作第二十三紙八行獎獎

並元本作減減挈挈第二十四紙三行一著和本作二著

紙五行雪峯和本作雲峯元本同今本第二十六

九行有僧出便問和本作保福問鵝湖元本

同今本十行雪峯和本作鵝湖元本同今本

十四行圈續第三十一紙五行落漸和本第三

一本作圈續一本作第三十一紙作落漸非也

十五紙十六行如此和本第三十六紙十五行

本元本發憤第四十紙十六行一代第四十二紙十七

圭一本作白珪第四十九紙八行普皆和本作普皆非

倒非也第五十一紙四行雨點和本

也作兩點非也

佛果園悟禪師碧巖集卷第二
 秣陵遠庵吳自弘校
 天界比丘 性湛 閱
 垂示云佛祖大機全歸掌握人天命脉悉受指
 呼等閑一句一言驚羣動眾一機一境打鎖敲
 枷接向上機提向上事且道什麼人曾恁麼來
 還有知落處麼試舉看
 舉黃檗示眾云打水洗鉢一匙吞盡天下禪
 僧跳不出汝等諸人盡是噇酒糟漢恁麼行

佛果園悟禪師碧巖集卷第二

秣陵遠庵吳自弘校

天界比丘 性湛 閱

垂示云佛祖大機全歸掌握人天命脉悉受指
 呼等閑一句一言驚羣動眾一機一境打鎖敲
 枷接向上機提向上事且道什麼人曾恁麼來
 還有知落處麼試舉看

舉黃檗示眾云打水洗鉢一匙吞盡天下禪
 僧跳不出

汝等諸人盡是噇酒糟漢恁麼行

脚道着踏破草鞋撒天搖地何處有今日用

今日作什麼不妨驚羣動衆還知大唐國裏

無禪師麼老僧不會一口吞盡也是雲居羅

漢時有僧出云只如諸方匡徒領衆又作麼

生也好與一撥臨機不得不恁麼禪云不道

無禪只是無師直得分疎不下瓦餅水消龍

頭蛇尾漢

天界立

黃檗身長七尺額有圓珠天性會禪師昔遊天台路逢一僧與之談笑如故相識熟視之目光

射人頗有異相乃偕行屬溪水暴漲乃植杖擗笠而止其僧率師同渡師曰請渡彼即褰衣躡波如履平地回顧云渡來渡來師咄云這自了漢吾早知捏怪當斫汝脛其僧歎曰真大乘法器言訖不見初到百丈丈問云巍巍堂堂從什麼處來檠云巍巍堂堂從嶺中來丈云來為何事檠云不為別事百丈深器之次日辭百丈丈云什麼處去檠云江西禮拜馬大師去丈云馬大師已遷化去也你道黃檗恁麼問是知來問

是不知來問却云某甲特地去禮拜福緣淺薄
不及一見未審平日有何言句願聞舉示丈遂
舉再參馬祖因緣祖見我來便豎起拂子我問
云卽此用離此用祖遂掛拂子於禪牀角良久
祖却問我汝已後鼓兩片皮如何爲人我取拂
子豎起祖云卽此用離此用我將拂子掛禪牀
角祖振威一喝我當時直得三日耳聾黃檗不
覺悚然吐舌丈云子已後莫承嗣馬大師麼檗
云不然今日因師舉得見馬大師大機大用若

承嗣馬師他日已後喪我兒孫丈云如是如是
見與師齊滅師半德智過於師方堪傳授子今
見處宛有超師之作諸人且道黃檗恁麼問是
知而故問耶是不知而問耶須是親見他家父
子行履處始得黃檗一日又問百丈從上宗乘
如何指示百丈良久檗云不可教後人斷絕去
百丈云將謂汝是箇人遂乃起入方丈檗與裴
相國爲方外友裴鎮宛陵請師至郡以所解一
編示師師接置於座略不披閱良久乃云會麼

裴云不會。槃云若便恁麼會得，猶較些子。若也形於紙墨，何處更有吾宗？裴乃以頌贊云：自從大士傳心印，額有圓珠七尺身。掛錫十年棲蜀水，浮盃今日渡漳濱。八千龍象隨高步，萬里香花結勝因。擬欲事師爲弟子，不知將法付何人。師亦無喜色，云心如大海無邊際，口吐紅蓮養病身。自有一雙無事手，不曾祇揖等閑人。槃住後，機鋒峭峻。臨濟在會下，睦州爲首座。問云：上座在此多時，何不去問話？濟云：教某甲問什麼。

話卽得座云：何不去問如何是佛法的大意？濟便去問。三度被打出。濟辭座曰：蒙首座令三番去問，被打出，恐因緣不在這裏。暫且下山。座云：子若去，須辭和尚去方可。首座預去白槃云：問話上座甚不可得。和尚何不穿鑿教成一株樹去？與後人爲陰涼。槃云：吾已知濟來辭。槃云：汝不得向別處去，直向高安灘頭見大愚去。濟到大愚，遂舉前話。不知某甲過在什麼處？愚云：槃與麼老婆心切，爲你徹困，更說什麼？有過無

過濟忽然大悟云黃檗佛法無多子大愚搗住
云你適來又道有過而今却道佛法無多子濟
於大愚脇下墜三拳愚拓開云汝師黃檗非干
我事一日檨示衆云牛頭融大師橫說豎說猶
未知向上關捩子在是時石頭馬祖下禪和子
浩浩地說禪說道他何故却與麼道所以示衆
云汝等諸人盡是噇酒糟漢恁麼行脚取笑於
人但見八百一十人處便去不可只圖熱鬧也
叻中總似汝如此容易何處更有今日事也唐

時愛罵人作噇酒糟漢人多喚作黃檗罵人具
眼者自見佗落處大意垂一釣釣人問衆中有
不惜身命底禪和便解恁麼出衆問佗道只如
諸方匡徒領衆又作麼生也好一撥這老漢果
然分疎不下便却漏逗云不道無禪只是無師
且道意在什麼處佗從上宗旨有時擒有時縱
有時殺有時活有時放有時收敢問諸人作麼
生是禪中師山僧恁麼道已是和頭沒却了也
諸人鼻孔在什麼處良久云穿却了也

凜凜孤風不自誇猶自不知有也是雲居羅

漢端居寰海定龍蛇也要別縑素也要皂白

分明大中天子曾輕觸說什麼大中天子任

大地須從地起更高爭奈有天何三度親遭

弄爪牙死蝦蟆多口作什麼未為奇特猶是

小機巧若是大機太用現前盡十方世界乃

至山河大地盡在黃檗處必乞命

雪竇此一頌一似黃檗真替相似人却不得作

真贊會他底句下便有出身處分明道凜凜孤

風不自誇黃檗恁麼示眾且不是爭入負我自

逞自誇若會這箇消息一任七縱八橫有時孤

峰頂獨立有時鬧市裏橫身豈可僻守一隅愈

捨愈不歇愈尋愈不見愈擔荷愈沒溺古人道

無翼飛天下有名傳世間盡情捨却佛法道理

玄妙奇特一時放下却較些子自然觸處現成

雪竇道端居寰海定龍蛇是龍是蛇入門來便

驗取謂之定龍蛇眼擒虎兇機雪竇又道定龍

蛇兮眼何正擒虎兇兮機不全又道大中天子

曾輕觸三度親遭弄爪牙黃檗豈是如今惡脚
手從來如此大中天子者續咸通傳中載唐憲
宗有二子一曰穆宗一曰宣宗宣宗乃大中也
年十三少而敏黠常愛跏趺坐穆宗在位時因
果朝罷大中乃戲登龍牀作揖羣臣勢大臣見
而謂之心風乃奏穆宗穆宗見而撫歎曰我弟
乃吾宗英胄也穆宗於長慶四年晏駕有二子
曰敬宗文宗武宗敬宗繼父位二年内臣謀易
之文宗繼位二十四年武宗卽位常喚大中作

癡奴一日武宗恨大中昔日戲登父位遂打殺
致後苑中以不潔灌而復甦遂潛遁在香巖閑
和尚會下後剃度爲沙彌未受具戒後與志閑
遊方到廬山因志閑題瀑布詩云穿雲透石不
辭勞地遠方知出處高閑吟此兩句佇思久之
欲釣他語脉看如何大中續云溪澗豈能畱得
住終歸大海作波濤閑方知不是尋常人乃默
而識之後到鹽官會中請大中作書記黃檗在
彼作首座檗一日禮佛次大中見而問曰不着

佛求不着法求不着眾求禮拜當何所求槃云
不着佛求不着法求不着眾求常禮如是大中
云用禮何為槃便掌大中云太龕生槃云這裏
什麼所在說龕說細槃又掌大中後繼國位賜
黃槃為龕行沙門裴相國在朝後奏賜斷際禪
師雪竇知他血脉出處便用得巧如今還有弄
爪乎底麼便打

垂示云殺人力活人劍乃上古之風規亦今時
之樞要若論殺也不傷一毫若論活也喪身失

命所以道向上一路千聖不傳學者勞形如猿
捉影且道既是不傳為什麼却有許多葛藤公
案具眼者試說看

舉僧問洞山如何是佛鏡羨藜天下衲僧跳

不出山云麻三斤灼然破草鞋指槐樹罵柳

樹為秤錘

這箇公案多少人錯會直是難咬嚼無你下口
處何故淡而無味古人有多少答佛話或云殿
裏底或云二十二相或云杖林山下竹筋鞭及

至洞山却道麻三斤不妨截斷古人舌頭人多
作話會道洞山是時在庫下秤麻有僧問所以
如此答有底道洞山問東蒼西有底道你是佛
更去問佛所以洞山遶路答之邪解者死漢更有一般
道只這麻三斤便是佛且得沒交涉你若恁麼
去洞山句下尋討參到彌勒佛下生也未夢見
在何故言語只是載道之器殊不知古人意只
管去句中求有什麼巴鼻不見古人道道本無
言因言顯道見道即忘言若到這裏還我第一

機來始得只這麻三斤一似長安大路一條相
似舉足下足無有不是這箇話與雲門餬餅話
是一般不妨難會五祖先師頌云賤賣擔板漢
貼秤麻三斤千百年滯貨無處着渾身你但打
疊得情塵意想計較得失是非一時淨盡自然
會去

金烏急

左眼半斤快錫趨不及火焰裏橫身

玉兔速

右眼八兩姮娥宮裏作窠窟善應何

曾有輕觸

如鐘在扣如谷受響展事投機見

洞山

錯認定盤星自是闍黎恁麼見跛驚盲

龜入空谷

自領出去同坑無異土阿誰打你

錫子死

花簇簇錦簇簇

兩重公案一狀領過

依舊一般

南地竹兮北地木

三重也有四重

公案頭上安頭

因思長慶陸大夫

懶兒牽伴

山僧也恁麼雪竇也恁麼

解道合笑不合笑

呵喇蒼天夜半更添冤苦咦咄是什麼便打

雪竇見得透所以劈頭便道金烏急玉兔速與洞山答麻三斤更無兩般日出月沒日白如是

人多情解只管道金烏是左眼玉兔是右眼纔問着便瞠眼云在這裏有什麼交涉若恁麼會達磨一宗掃地而盡所以道垂釣四海只釣獐龍格外玄機為尋知己雪竇是出陰界底人豈作這般見解雪竇輕輕去敲關擊節處畧露些子教你見便下箇注脚道善應何曾有輕觸洞山不輕耐這僧如鐘在扣如谷受響大小隨應不敢輕觸雪竇一時突出心肝五臟呈似你諸人了也雪竇有靜而善應頌云觀面相呈不在

多端龍蛇易辨衲子難瞞金鎚影動寶劍光寒
直下來也急着眼看洞山初參雲門門問近離
甚處山云渣渡門云夏在甚麼處山云湖南報
慈門云幾時離彼中山云八月二十五門云放
你三頓棒參堂去師晚間入室親近問云某甲
遇在什麼處門云飯袋子江西湖南便恁麼去
洞山於言下豁然大悟遂云某甲他日向無入
煙處卓箇庵子不蓄一粒米不種一莖菜常接
待往來十方大善知識盡與伊抽却釘拔却楔

拈却臍脂帽子脫却鶻臭布衫各令灑灑落落
地作箇無事人去門云身如椰子大開得許大
口洞山便辭去他當時悟處直下穎脫豈同小
見後來出世應機麻三斤語諸方只作答佛話
會如何是佛杖林山下竹筋鞭丙丁童子來求
火只管於佛上作道理雪竇云若恁麼作展事
與投機會正似跛鱉盲龜入空谷何年日月尋
得出路去花簇簇錦簇簇此是僧問智門和尚
洞山道麻三斤意旨如何智門云花簇簇錦簇

簇會麼僧云不會智門云南地竹兮北地木僧
回舉似洞山山云我不爲汝說我爲大眾說遂
上堂云言無展事語不投機承言者喪滯句者
迷雪竇破人情見故意引作一串頌出後人却
轉生情見道麻是孝服竹是孝杖所以道南地
竹兮北地木花簇簇錦簇簇是棺材頭邊畫底
花草還識羞麼殊不知南地竹兮北地木與麻
三斤只是阿爺與阿爹相似古人答一轉語決
是意不恁麼正似雪竇道金烏急玉兔速自是

一般寬曠只是金鑰難辨魚魯參差雪竇老婆
心切要破你疑情更引箇死漢因思長慶陸大
夫解道合笑不合哭若論他頌只頭上三句一
時頌了我且問你都盧只是箇麻三斤雪竇却
有許多葛藤只是慈悲忒煞所以如此陸巨大
夫作宣州觀察使參南泉泉遷化巨聞喪入寺
下祭却呵呵大笑院主云先師與大夫有師資
之義何不哭大夫云道得卽哭院主無語巨大
哭云蒼天蒼天先師去世遠矣後來長慶聞云

大夫合笑不合哭雪竇借此意大綱道你若作
這般情解正好笑莫哭是卽是末後有一箇字
不妨聲訛更道喫雪竇還洗得脫麼
垂示云雲凝大野徧界不藏雪覆蘆花難分朕
迹冷處冷如冰雪細處細如米末深深處佛眼
難窺密密處魔外莫測舉一明三卽且止坐斷
天下人舌頭作麼生道且道是什麼人分上事
試舉看

舉僧問巴陵如何是提婆宗白馬入蘆花道

什麼點巴陵云銀碗裏盛雪塞斷你咽喉七

花八裂

這箇公案人多錯會道此是外道宗有什麼交
涉第十五祖提婆尊者亦是外道中一數因見
第十四祖龍樹尊者以針投鉢龍樹深器之傳
佛心宗繼爲第十五祖楞伽經云佛語心爲宗
無門爲法門馬祖云凡有言句是提婆宗只以
此箇爲主諸人盡是衲僧門下客還曾體究得
提婆宗麼若體究得西天九十六種外道被汝

一時降伏若體究不得未免着返披袈裟去在
且道是作麼生若道言句是也沒交涉若道言
句不是也沒交涉且道馬大師意在什麼處後
來雲門道馬大師好言語只是無人問有僧便
問如何是提婆宗門云九十六種汝是最下一
種昔有僧辭大隋隋云什麼處去僧云禮拜普
賢去大隋豎起拂子云文殊普賢盡在這裏僧
畫一圓相以手托呈師又拋向背後隋云侍者
將一貼茶來與這僧去雲門別云西天斬頭截

臂這裏自領出去又云赤幡在我手裏西天論
議勝者手執赤幡負墮者返披袈裟從偏門出
入西天欲論議須得奉王勅於大寺中聲鐘擊
鼓然後論議於是外道於僧寺中封禁鐘鼓爲
之沙汰時迦那提婆尊者知佛法有難遂運神
通登樓撞鐘欲擯外道外道遂問樓上聲鐘者
誰提婆云天外道云天是誰婆云我外道云我
是誰婆云我是你外道云你是誰婆云你是狗
外道云狗是誰婆云狗是你如是七返外道自

知負墮伏羲遂自開門提婆於是從樓上持赤
旛下來外道云汝何不後婆云汝何不前外道
云汝是賤人婆云汝是良人如是展轉辭問提
婆折以無得之辯由是歸伏時提婆尊者手持
赤旛義墮者旛下立外道皆斬首謝過時提婆
止之但化令削髮入道於是提婆宗大興雪竇
後用此事而頌之巴陵衆中謂之鑿多口常縫
坐具行脚深得他雲門脚跟下大事所以奇特
後出世法嗣雲門先住岳州巴陵更不作法嗣

書只將三轉語上雲門如何是道明眼人落井
如何是吹毛劔珊瑚枝枝撐着月如何是提婆
宗銀椀裏盛雪雲門云他日老僧忘辰只舉此
三轉語報恩足矣自後果不作忘辰齋依雲門
之囑只舉此三轉語然諸方答此話多就事上
答唯有巴陵恁麼道極是孤峻不妨難會亦不
露此三子鋒鏃八面受敵着着有出身之路有陷
虎之機脫人情見若論一色邊事到這裏須是
自家透脫了卻須是遇人始得所以道道吾舞

務同人會石鞏彎弓作者諳此理若無師印授
擬將何法語玄談雪竇隨後拈提爲人所以頌
出

老新開千兵易得一將難求多口阿師端的
別是什麼端的頂門上一着夢見也未解道

銀梳裏盛雪鰓跳不出斗兩重公案多少人

喪身失命九十六箇應自知兼身在內關黎

還知麼一坑埋却不知却問天邊月遠之遠

矣自領出去望空敬告提婆宗提婆宗道什

麼山僧在這裏滿口含霜赤旛之下起清風

百雜碎打云已着了也你且去斬頭截臂來

與你道一句

老新開新開乃院名也端的別雪竇讚歎有分
且道什麼處是別處一切語言皆是佛法山僧
如此說話成什麼道理去雪竇微露些子意道
只是端的別後面打開云解道銀梳裏盛雪更
與你下箇注脚九十六箇應自知負墮始得你
若不知問取天邊月古人曾答此話云問取天

邊月雪竇頌了末後須有活路有獅子返擲之句更提起與你道提婆宗提婆宗赤旛之下起清風巴陵道銀椀裏盛雪爲什麼雪竇却道赤旛之下起清風還知雪竇殺人不用刀麼

舉僧問雲門如何是一代時教直至如今不

了座主不會葛藤窠裏雲門云對一說無孔

鐵鎚七花八裂老鼻咬生薑

禪家流欲知佛性義當觀時節因緣謂之教外別傳單傳心印直指人心見性成佛釋迦老子

住世疑作說法可乎

四十九年住世三百六十會開談頓漸權實謂之一代時教這僧拈來問云如何是一代時教雲門何不與他紛紛解說却向他道箇對一說雲門尋常一句中須具三句謂之函蓋乾坤句隨波逐浪句截斷衆流句放去收來自然奇特如斬釘截鐵教人義解卜度他底不得一大藏教只消二個字四方八面無你穿鑿處人多錯會却道對一時機宜之事故說又道森羅及萬象皆是一法之所印謂之對一說更有道只是

說那個一法有什麼交涉非唯不會更入地獄
如箭殊不知古人意不如此所以道粉骨碎身
未足酬一句了然超白億不妨奇特如何是一
代時教只消道個對一說若當頭薦得便可歸
家穩坐若薦不得且伏聽處分

對一說

活鱗鱗言猶在耳不妨孤峻

太孤絕

傍觀有分何止壁立千仞豈有恁麼事無孔

鐵鎚重下楔

錯會名言也雲門老漢也是泥

裏洗土塊雪竇也是淋餘 閻浮樹下笑呵呵

四州八縣不曾見個漢同道者方知能有幾

人知昨夜驪龍拗角折非止驪龍拗折有誰

見來還有證明麼 別別讚歎有分真是雪

竇始得有什麼別處 韶陽老人得一概在什

麼處更有一概分付阿誰德山臨濟也真退

倒三千那一概又作麼生便打

對一說太孤絕雪竇讚之不及此語獨脫孤危
光前絕後如萬丈懸崖相似亦如百萬軍陣無
你入處只是忒煞孤危古人道欲得親切莫將

問來問問在答處答在問端直是孤峻且道什
麼處是孤峻處天下人奈何不得這僧也是個
作家所以如此問雲門又怎麼答大似無孔鐵
鎚重下楔相似雪竇使文言用得甚巧閻浮樹
下笑呵呵起世經中說須彌南畔吠琉璃樹映
閻浮洲中皆青色此洲乃大樹為名名閻浮提
其樹縱廣七千由旬下有閻浮壇金聚高二十
由旬以金從樹下出生故號閻浮樹所以雪竇
自說他在閻浮樹下笑呵呵且道他笑個什麼

笑昨夜驪龍拗角折只得瞻之仰之讚歎雲門
有分雲門道對一說似個什麼如拗折驪龍一
角相似到這裏若無恁麼事焉能恁麼說話雪
竇一時頌了末後却道別別韶陽老人得一概
何不道全得如何只得一概且道那一概在什
麼處直得穿過第二人
垂示云殺人力活人劍乃上古之風規是今時
之樞要且道如今那個是殺人力活人劍試舉
看

舉僧問雲門不是目前機亦非目前事時如
何躡跳作什麼倒退三千里門云倒一說平
出款出囚人口也不得放過荒草裏橫身

這僧不妨是個作家解恁麼問頭邊謂之請益
此是呈解問亦謂之藏鋒問若不是雲門也不
奈他何雲門有這般手脚他既將問來不得已
而應之何故作家宗師如明鏡臨臺胡來胡現
漢來漢現古人道欲得親切莫將問來問何故
問在答處答在問處從上諸聖何曾有一法與

入那裏有禪道與你來你若不造地獄業自然
不招地獄果你若不造天堂因自然不受天堂
果一切業緣皆是自作自受古人分明向你道
若論此事不在言句上若在言句上三乘十二
分教豈是無言句更何用祖師西來前頭道對
一說這裏却道倒一說只爭一字爲什麼却有
千差萬別且道聲訛在什麼處所以道法隨法
行法幢隨處建立不是目前機亦非目前事時
如何只消當頭一點若是具眼漢一點也謾他

不得問處既聲訛答處須得恁麼其實雲門騎
賊馬趨賊有者錯會道本是主家話却是賓家
道所以雲門云倒一說有什麼死急這僧問得
好不是目前機亦非目前事時如何雲門何不
答他別言語却只向他道倒一說雲門一時打
破他底到這裏道倒一說也是好肉上剗瘡何
故言迹之興四字白雲萬里異途之所由生也設使
一時無言無句露柱燈籠何曾有言句還會麼
若不會到這裏也須是轉動始知落處

倒一說放不下七花八裂須彌南畔卷盡五
千四十分分一節在你邊在我邊半河南半
河北把手笑行同死同生爲君訣泥裏洗土
塊着甚來由放你不得八萬四千非鳳毛羽
毛相似太煞滅人威光漆桶如麻如粟三十
三人入虎穴唯我能知一將難求野狐精
隊別別有什麼別處少賣弄一任踴跳擾擾
怒怒水裏月青天白日迷頭認影着作什
麼

雪竇亦不妨作家於一句下便道分一節分明
放過一着與他把手共行他從來有放行手斷
敢與你入泥入水同死同生所以雪竇恁麼頌
其實無他只要與你解粘去縛抽釘拔楔如今
却因言句轉生情解只如巖頭道雪峰雖與我
同條生不與我同條死若非全機透脫得大自
在底人焉能與你同死同生何故爲他無許多
得失是非滲漏處故洞山云若要辨認向上之
人真偽者有二種滲漏情滲漏見滲漏語滲漏

見滲漏機不離位墮在毒海情滲漏智常向背
見處偏枯語滲漏體妙失宗機昧終始此三滲
漏宜已知之又有二玄體中玄句中玄中玄
古人到這境界全機大用遇生與你同生遇死
與你同死向虎口裏橫身放得手脚千里萬里
隨你銜去何故還他得這一着子始得八萬四
千非鳳毛者靈山八萬四千聖衆非鳳毛也南
史云齊時謝超宗陳郡陽夏人謝鳳之子博學
文才傑俊朝中無比當世爲之獨步善爲文爲

王國常侍王母殷淑儀薨超宗作誄奏之武帝
見其文大加歎賞曰超宗殊有鳳毛古詩云朝
罷香爐携滿袖詩成珠玉在揮毫欲知世掌絲
綸美池上如今有鳳毛笥曰靈山會上四衆雲
集世尊拈花唯迦葉獨破顏微笑餘者不知是
何宗旨雪竇所以道八萬四千非鳳毛三十三
人入虎穴阿難問迦葉云世尊傳金襴袈裟外
別傳何法迦葉召阿難阿難應諾迦葉云倒却
門前刹竿着阿難遂悟已後祖祖相傳西天此

土三十三人有入虎穴底手脚古人道不入虎
穴爭得虎子雲門是這般人善能同死同生宗
師爲人須至如此據曲泉木牀上坐捨得教你
打破容你捋虎鬚也須是到這般田地始得具
七事隨身可以同生同死高者抑之下者舉之
不足者與之在孤峰者救令入荒草落荒草者
救令處孤峰你若入鑊湯爐炭我也入鑊湯爐
炭其實無他只要與你解粘去縛抽釘拔楔脫
却籠頭卸却角馱平田和尚有一頌最好靈光

不昧萬古巖猷入此門來莫存知解別別擾擾
忽忽水裏月不妨有出身之路亦有活人之機
雪竇拈了教人自去明悟生機莫隨他語句你
若隨他正是擾擾忽忽水裏月如今作麼生得
平穩去放過一着

垂示云道無橫徑立者孤危法非見聞言思迥
絕若能透過荆棘林解開佛祖縛得個穩密田
地諸天捧花無路外道潛窺無門終日行而未
嘗行終日說而未嘗說便可以自由自在展啐

啄之機用殺活之劍直饒恁麼更須知有建化
門中一手擡一手搦猶較些子若是本分事上
且得沒交涉作麼生是本分事試舉看

舉僧問鏡清學人啐請師啄無風起浪作什

麼你用許多見解作什麼清云還得活也無

劄買帽相頭將錯就錯不可總恁麼僧云若

不活遭人怪笑相帶累撲天拄地擔板漢清

云也是草裏漢果然自領出去放過即不可

鏡清承嗣雪峰與本仁玄沙踈山太原孚輩同

時初見雪峰得旨。後常以啐啄之機開示後學。善能應機說法。示衆云：大凡行脚人，須具啐啄。同時眼有啐啄，同時用方稱衲僧。如母欲啄而子不得不啐，子欲啐而母不得不啄。有僧便出問：母啄子啐，於和尚分上成得個什麼邊事？清云：好個消息。僧云：子啐母啄，於學人分上成得個什麼邊事？清云：露禪面目，所以鏡清門下有啐啄之機。這僧亦是他門下客，會他家裏事，所以如此問。學人啐請師啄。此問洞下謂之借事。

明機那裏如此。子啐而母啄，自然恰好。同時鏡清也好，可謂拳踢相應。心眼相照，便答道：還得活也。無其僧也好，亦知機變。一句下有賓有主，有照有用，有殺有活。僧云：若不活，遭人怪笑。清云：也是草裏漢。一等是入泥入水，鏡清不妨惡脚手。這僧既會恁麼問，爲什麼却道也是草裏漢？所以作家眼，自須是恁麼。如擊石火，似閃電光，構得構不得，未免喪身失命。若恁麼便見鏡清道：草裏漢。所以南院示衆云：諸方只具啐啄。

同時眼不具啐啄同時用有僧出問如何是啐
啄同時用南院云作家不啐啄啐啄同時失僧
云猶是學人疑處南院云作麼生是你疑處僧
云失南院便打其僧不肯院便趕出僧後到雲
門會裏舉前話有一僧云南院棒折那其僧豁
然有省且道意在什麼處其僧却回見南院院
適已遷化却見風穴纔禮拜穴云莫是當時問
先師啐啄同時底僧麼僧云是穴云你當時作
麼生會僧云某甲當初時如燈影裏行相似穴

云你會也且道是箇什麼道理這僧都來只道
某甲當初時如燈影裏行相似因甚麼風穴便
向他道你會也後來翠巖拈云南院雖然運籌
帷幄爭奈土曠人稀知音者少風穴拈云南院
當時待他開口劈脊便打看他作麼生若見此
公案便見這僧與鏡清相見處諸人作麼生免
得他道草裏漢所以雪竇愛他道草裏漢便頌
出

古佛有家風

言猶在耳千古榜樣莫謗釋迦

老子ラ好ク對揚遭貶剥ノ鼻孔爲ニ什麼却在レ山僧

手裏ニ八棒對シ十二ニ你作麼ノ生放過シ一着便打

子母不相知レ既不相知爲ニ什麼却有レ啐啄ノ天

然是誰同啐啄ノ百雜碎老婆心切且莫錯認ノ

啄覺道什麼ノ落在第二頭猶在殼ノ何不出頭

來重遭撲ノ錯便打兩重公案三重四重ノ也

天下衲僧徒名邈ノ放過了也不須舉起ノ還有

名邈得底麼ノ若名邈得也是草裏漢ノ千古萬

古黑漫漫填溝塞壑無人會ノ

古佛有家風ノ雪竇一句領了也ノ凡是出頭來直

是近傍不得ノ若近傍着則萬里岷州纔出頭來

便是落草直饒七縱八橫ノ不消一捏雪竇道古

佛有家風不是ノ如今恁麼也釋迦老子初生下

來ノ一手指天ノ一手指地ノ目顧四方云天上天下

唯我獨尊ノ雲門道我當時若見ノ一棒打殺與狗

子喫却ノ貴要天下太平ノ如此方酬得恰好ノ所以

啐啄之機皆是ノ古佛家風若達ノ此道者便可ノ一

拳拳倒黃鶴樓ノ一踢踢翻鸚鵡洲ノ如大火聚近

之則燎却百門如太阿劍擬之則喪身失命此箇唯是透脫得大解脫者方能如此苟或迷源滯句決定構這般說話不得對揚遭貶剝則是一賓一主一問一答於問答處便有貶剝謂之對揚遭貶剝雪竇深知此事所以只向兩句下頌了末後只是落草爲你注破子母不相知是誰同啐啄母雖啄不能致子之啐子雖啐不能致母之啄各不相知當啐啄之時是誰同啐啄若恁麼會也出雪竇末後句不得在何故不見

香巖道子啐母啄子覺無殼子母俱忘應緣不錯同道唱和妙玄獨脚雪竇不妨落草打葛藤道啄此一字頌鏡清答道還得活也無覺頌這僧道若不活遭人怪笑爲什麼雪竇却便道猶在殼雪竇向石火光中別緇素閃電機裏辨端倪鏡清道也是草裏漢雪竇道重遭撲者難處些子是鏡清道也是草裏漢喚作鏡清換人眼睛得麼這句莫是猶在殼麼且得沒交涉那裏如此若會得繞天下行脚報恩有分山僧恁麼

說話也是草裏漢天下衲僧徒名邈誰不是名
邈者到這裏雪竇自名邈不出却更累他天下
衲僧且道鏡清作麼生是爲這僧處天下衲僧
跳不出
垂示云斬釘截鐵始可爲本分宗師避箭隈刀
焉能爲通方作者針劄不入處則且置白浪滔
天時如何試舉看

舉僧問香林如何是祖師西來意大有人疑
着猶有這箇消息在林云坐久成勞魚行水

濁鳥飛落毛合取狗口好作家眼目鋸解稱

香林道坐久成勞還會麼若會得百草頭上罷
却干戈若也不會伏聽處分古人行脚結交擇
友爲同行道伴撥草瞻風是時雲門旺化廣南
香林得得出蜀與鵝湖鏡清同時先參湖南報
慈後方至雲門會下作侍者十八年在雲門處
親得親聞他悟時雖晚不妨是大根器居雲門
左右十八年雲門常只喚遠侍者纔應喏門云

是什麼香林當時也下語呈見解弄精魂終不相契一日忽云我會也門云何不向上道將來又住三年雲門室中垂大機辯多半爲他遠侍者隨處入作雲門凡有一言一句都收在遠侍者處香林後歸蜀初住導江水晶宮後住青城香林智門祚和尚本浙人盛聞香林道化特來入蜀參禮祚乃雪竇師也雲門雖接人無數當代道行者只香林一派最盛歸川住院四十年八十歲方遷化嘗云我四十年方打成一片凡

示衆云大凡行脚參尋知識要帶眼行須分緇素看淺深始得先須立志而釋迦老子在因地時發一言一念皆是立志後來僧問如何是室內一盞燈林云二人證龜成鼈又問如何是衲衣下事林云臘月火燒山古來答祖師意甚多唯香林此一則坐斷天下人舌頭無你計較作道理處僧問如何是祖師西來意林云坐久成勞可謂言無味句無味無味之談塞斷人口無你出氣處要見便見若不見切忌作解會香林

曾遇作家來，所以有雲門手段。有二句體，講人多錯會道。祖師西來九年面壁，豈不是坐久成勞，有什麼巴鼻不見他？古人得本自在處，他是脚踏實地，無許多佛法知見道理。臨時應用，所謂法隨法行，法幢隨處建立。雪竇因風吹火，傍指出一箇半箇。

一箇兩箇千萬箇，何不依而行之。如麻似粟，

成羣作隊，作什麼。脫却籠頭卸角馱，從今日

去，應須灑灑落落還休得也。未左轉右轉隨。

後來，猶自放不下。影影響響便打，紫胡要打。

劉鐵磨，山僧拗折拄杖子，更不行此令。賊過

後張弓便打喚。

雪竇直下如擊石火，似閃電光。撥出放教你見，聊聞舉着便會始得也。不妨是他屋裏兒孫，方能恁麼道。若能直下便恁麼會去，不妨奇特。一箇兩箇千萬箇，脫却籠頭卸角馱，灑灑落落，不被生死所染，不被聖凡情解所縛，上無攀仰，下絕已躬。一如他香林雪竇相似，何必只是千萬。

箇直得盡大地人悉皆如此前佛後佛也悉皆
如此苟或於言句中作解會便似紫胡要打劉
鐵磨相似其實纔舉和聲便打紫胡參南泉與
趙州峯大蟲同參時劉鐵磨在馮山下草庵諸
方皆不柰何他一日紫胡得得去訪云莫便是
劉鐵磨否磨云不敢胡云左轉右轉磨云和尚
莫顛倒胡和聲便打香林荅這僧問如何是祖
師西來意却云坐久成勞若恁麼會得左轉右
轉隨後來也且道雪竇如此頌出意作麼生無

事好試請舉看

舉肅宗皇帝

本是代宗此誤

問忠國師百年

後所須何物

預搖待痒果然起模畫樣老老

本大作這法就不可指東作西

國師云與老

僧作箇無縫塔

把不住帝曰請師塔樣

一箇

國師良久云會麼

停囚長智直得指東

劃西將南作北直得口似匾擔

帝云不會

值不會當時更與一機教伊滿口令其霜却較

些子

國師云吾有付法弟子耽源却諳此事

請詔問之

賴值不掀何禪床何不與他本分

草料莫擦胡人好放過

一着國師遷化後可

借果然錯認定盤星帝詔耽源問此意如何

子承父業去也落在第一頭第二頭源云湘

之南潭之北也是把不住兩兩三三二作什麼

半開半合雪竇着語云獨掌不浪鳴一盲引

衆盲果然隨語生解隨邪逐惡作什麼中有

黃金克一國上是天下是地無這箇消息是

誰分上事雪竇着語云山形拄杖子拘折了

也也是起模畫樣無影樹下合同船祖師喪

了也聞黎道什麼雪竇着語云海晏河清洪

波浩渺白浪滔天猶較些子琉璃殿上無知

識咄雪竇着語云拈了也賊過後張弓言猶

在耳

肅宗代宗皆玄宗之子孫為太子時常愛參禪

為國有巨盜玄宗遂幸蜀唐本都長安為安祿

山南據後都洛陽肅宗攝政是時忠國師在鄧

州白崖山住庵今香嚴道場是也四十餘年不

乾

下山道行聞于帝里上元二年勅中使詔入內
待以師禮甚敬重之嘗與帝演無上道師退朝
帝自攀車而送之朝臣皆有溫色欲奏其不使
國師具他心通而先見聖奏曰我在天帝釋前
見粟散天子如閃電光相似帝愈加敬重及代
宗臨御復延止光宅寺十有六載隨機說法至
大曆十年遷化山南府青銜山和尚昔與國師
同行國師嘗奏帝令詔他三詔不起常罵國師
耽名愛利戀着人間國師於他父子三朝中為

三朝一本作
二朝

國師他家父子一時叅禪據傳燈錄所考此乃
是代宗設問若是問國師如何是十身調御此
却是肅宗問也國師緣終將入涅槃乃辭代宗
代宗問曰國師百年後所須何物也只是平常
一箇問端這老漢無風起浪却道與老僧造箇
無縫塔且道白且青天如此作什麼做箇塔便
了爲什麼却道做箇無縫塔代宗也不妨作家
與你一揆道請師塔樣國師良久云會麼奇怪
這些子最是難參大小大國師被他一揆直得

口似匾檐然雖如此若不是這老漢幾乎弄倒了。多少人道國師不言處便是塔樣若恁麼會達磨一宗掃地而盡若謂良久便是啞子也。合會禪豈不見外道問佛不問有言不問無言世尊良久外道禮拜贊歎曰世尊大慈大悲開我迷雲令我得入及外道去後阿難問佛外道有何所證而言得入世尊云如世良馬見鞭影而行人多向良久處會有什麼巴鼻五祖先師拈云前面是珍珠瑪瑙後面是瑪瑙珍珠左邊是

觀音勢至右邊是文殊普賢中間有箇幡子被風吹着道胡盧胡盧國師云會麼帝曰不會却較些子且道這箇不會與武帝不識是同是別雖然似則似是則未是國師云吾有付法弟子耽源却諳此事請詔問之雪竇拈云獨掌不浪鳴代宗不會則且置耽源還會麼只消道箇請師塔樣盡大地人不奈何五祖先師拈云你是一國之師爲箇什麼不道却推與弟子國師遷化後帝詔耽源問此意如何源便來爲國師胡

言漢語說道理自然會他國師說話只消一頌
祖庭事苑 湘之南潭之北中有黃金克一國無
出齊時 影樹下合同船瑠璃殿上無知識耽源名應真
在國師處作侍者後住吉州耽源寺時仰山來
參耽源源言重性惡不可犯住不得仰山先去
參性空禪師有僧問性空如何是祖師西來意
空云如人在千尺井中不假寸繩出得此人即
答汝西來意僧云近日湖南暢和尚亦為人東
語西話空乃喚沙彌搜出這死屍沙彌 山後

舉問耽源如何出得井中人耽源曰咄癡漢誰
在井中仰山不契後問馮山山乃呼惠寂山應
諾馮云出了也仰山因此大悟云我在耽源處
得體馮山處得用也只是這一箇領子引入邪
解不少人多錯會道相是相見談是談論中間
有箇無縫塔所以道中有黃金克一國帝與國
師對答便是無影樹下合同船帝不會遂道琉
璃殿上無知識又有底道湘是湘州之南潭是
潭州之北中有黃金克一國須官家取眼顧視

云這箇是無縫塔若恁麼會不出情見只如雪
竇下四轉語又作麼生會今人殊不知古人意
且道湘之南潭之北你作麼生會中有黃金克
一國你作麼生會無影樹下合同船你作麼生
會瑠璃殿上無知識你作麼生會若恁麼見得
不妨慶快平生湘之南潭之北雪竇道獨堂不
浪鳴不得已與你說中有黃金克一國雪竇道
山形拄杖子古人道識得拄杖子一生參學事
畢無影樹下合同船雪竇道海晏河清一時豁

開戶牖八面玲瓏琉璃殿上無知識雪竇道拈
了也一時與你說了也不妨難見見得也好只
是有些子錯認處隨語生解至末後道拈了也
却較些子雪竇分明一時下語了後向單頌箇
無縫塔子

無縫塔

這一縫太小大道什麼

見還難非眼

可見見

澄潭不許蒼龍蟠

見麼洪波浩渺蒼

龍向甚處蟠這裏直得摸索不着

層落落莫

眼花眼花作什麼

影團團通身是眼落七落

白夏格印
皇祐反妖

四縣

銑星
生居

甘格討

寧壽寧

地
國益

曠

弋隨反

涅

深廣也
俗作

曉
也

Wm m... ..

Wm m... ..

Wm m... ..

Wm m... ..

Wm m... ..

Wm m... ..

力

此乃古法見...

此乃古法見...

此乃古法見...

此乃古法見...

此乃古法見...

此乃古法見...

此乃古法見...

此乃古法見...

此乃古法見...

八兩兩三三曹路行左轉右轉隨後來千古

萬古與人看見麼暗漢作麼生看聞黎觀得

見麼

雪竇當頭道無縫塔見還難雖然獨露無私則
是要見時還難雪竇忒煞慈悲更向你道澄潭
不許蒼龍蟠五祖先師道雪竇頌古一冊我只
愛他澄潭不許蒼龍蟠一句猶較些子多少人
去他國師良久處作活計若恁麼會一時錯了
也不見道臥龍不鑿止水無處有月波澄有處

無風浪起又道臥龍長怖碧潭清若是這箇漢
直饒洪波浩渺白浪滔天亦不在裏許蟠雪竇
到此頌了後頭着些子眼目琢出一箇無縫塔
隨後說道層落落影團團千古萬古與人看你
作麼生看卽今在什麼處直饒你見得分明也
莫錯認定盤星

垂示云一塵舉大地收一花開世界起只如塵
未舉花未開時如何着眼所以道如斬一綫絲
一斬一切斬如染一綫絲一染一切染只如今

便將葛藤截斷運出自已家珍高低普應前後
無差各各現成儻或未然看取下文

舉俱胝和尚凡有所問有什麼消息鈍根阿

師只豎一指這老漢也要坐斷天下人舌頭

熱則普天普地熱寒則普天普地寒換却天

下人舌頭

若向指頭上會則辜負俱胝若不向指頭上會
則生鐵鑄就相似會也恁麼去不會也恁麼去
高也恁麼去低也恁麼去是也恁麼去非也恁

麼去所以道一塵纔起大地全收一花欲開世
界便起一毛頭獅子百億毛頭現圓明道寒則
普天普地寒熱則普天普地熱山河大地徹
黃泉萬象森羅上通霄漢且道是什麼物得恁
麼奇怪若也識得不消一捏若識不得礙塞殺
人俱胝和尚乃婺州金華人初住庵時有一尼
名實際到庵直入更不下笠持錫遶禪牀三匝
云道得卽下笠如是三問俱胝無對尼便去俱
胝曰天勢稍晚且留一宿尼曰道得卽宿胝又

無對尼便行。祇歎曰：我雖處丈夫之形，而無丈夫之氣。遂發憤，要明此事。擬棄庵往諸方參請。打疊行脚。其夜山神告曰：不須離此。來日有肉身菩薩來為和尚說法。不須去。果是次日，天龍和尚到庵。祇乃迎禮具陳前事。天龍只豎一指而示之。俱祇忽然大悟。是他當時鄭重專注，所以桶底易脫。後來凡有所問，只豎一指。長慶道美食不中飽人喫。玄沙道：我當時若見拗折指頭。玄覺云：玄沙恁麼道，意作麼生。雲居錫云：只

如玄沙恁麼道，是肯伊，是不肯伊？若肯伊，何言拗折指頭？若不肯伊，俱祇過在什麼處？先曹山云：俱祇承當處。莽鹵只認得一機一境。一種是拍手撫掌見他。西園奇怪。玄覺又云：且道俱祇還悟也未？為什麼承當處。莽鹵若是不悟，又道平生只用一指頭禪，不盡。且道曹山意在什麼處？當時俱祇實然不會。及乎到他悟後，凡有所問，只豎一指。因什麼千人萬人羅籠不住，撲他不破？你若用作指頭會，決定不見古人意。這般

禪易參只是難會如今人纔問着也豎指豎拳
只是弄精魂也須是徹骨徹髓見透始得俱胝
庵中有一童子於外被人詰曰和尚尋常以何
法示人童子豎起指頭歸而舉似師俱胝以刀
斷其指童子叫喚走出俱胝召一聲童子回首
俱胝却豎起指頭童子豁然領解且道見箇什
麼道理及至遷化謂衆曰吾得天龍一指頭禪
平生用不盡要會麼豎起指頭便脫去後來明
招獨眼龍問國泰深師叔云古人道俱胝只念

三行呪便得名超一切人作麼生與他拈却三
行呪深亦豎起一指頭招云不因今日爭識得
這瓜州客且道意作麼生秘魔平生只用一杓
打地和尙凡有所問只打地一下後被人藏却
他棒却問如何是佛他只張口亦是一生用不
盡無業云祖師觀此土有上乘根器唯單傳心
印指示迷塗得之者不揀愚之與智凡之與聖
且多虛不如少實大丈夫漢卽今直下休歇去
頓息萬緣去超生死流迥出常格縱有眷屬莊

嚴レ不求レ自得レ業一生凡有所問只道莫妄想
所以道一處透千處萬處一時透一機明千機
萬機一時明一如今人總不恁麼只管恣意情解
不會レ他古人省要處他豈不是無機關轉換處
爲什麼只用一指頭須知俱胝到這裏有深密
爲人處要會得省力麼還他圓明道寒則普天
普地寒熱則普天普地熱山河大地通レ孤危
萬象森羅徹下嶮峻什麼處得一指頭禪來
對揚深受老俱底一癩兒牽伴一同道方知不レ充

是一機一境一宇宙空來更有誰一兩箇三箇更
有一箇也須打殺一曾向滄溟下浮水一全是這
箇是則是太孤峻生破草鞋有什麼用處一夜
濤相共接盲龜一撈天摸地有什麼了期接得
堪レ作何用一據令而行一趕向無佛世界接得一聞
黎一箇暗漢一
雪竇會一四六文章一七通八達一凡是諸訛奇特公
案偏愛去頌對揚深受老俱底一宇宙空來更有
誰一今時學者抑揚古人一或賓或主一問一答當

面提持有如此爲人處所以道對揚深愛老俱
胝且道雪竇愛他作什麼自天地開闢以來更
有誰人只是老俱胝一箇若是別人須參雜唯
是俱胝老只用一指頭直至老死時人多邪解
道山河大地也空人也空法也空直饒宇宙一
時空來只是俱胝老一箇且得沒交涉曾向滄
溟下浮木如今謂之生死海衆生在業海之中
頭出頭沒不明自己無有出期俱胝老垂慈接
物於生死海中用一指頭接入似下浮木接首

龜相似令諸衆生得到彼岸夜濤相共接盲龜
法華經云如一眼之龜值浮木孔無沒溺之患
大善知識接得一箇如龍似虎底漢教他向有
佛世界互爲賓主無佛世界坐斷要津接得箇
盲龜堪作何用

垂示云堆山積嶽撞墻磕壁佇思停機一場苦
屈或有箇漢出來掀翻大海踢倒須彌喝散白
雲打破虛空直下向一機一境坐斷天下人舌
頭無你近傍處且道從上來是什麼人曾恁麼

試舉看

舉龍牙問翠微如何是祖師西來意諸方舊話也要勘過微云與我過禪板來用禪板作什麼湊合放過喚牙過禪板與翠微也是把不住駕與青龍不解騎可惜許當面不承當微接得便打著打得箇死漢濟甚事也落在第二頭了也牙云打即任打要且無祖師西來意這漢話在第二頭賊過後張牙又問臨濟如何是祖師西來意諸方舊公案再問

將來不直半文錢濟云與我過蒲團來曹溪

波浪如相似無限平人被陸沉一狀領過一

坑埋却牙取蒲團過與臨濟依前把不住依

前不伶俐依稀越國髮髯揚州濟接得便打

著可惜打這般死漢一模脫出牙云打即任

打要且無祖師西來意灼然在鬼窟裏作活

計將謂得便宜賊過後張

翠微和尚云當時如是今時衲子皮下還有血麼瀉山喆云翠微臨濟可謂本分宗師龍牙

一等是撥草瞻風不妨與後人作龜鑑住院後
有僧問和尚當時還肯二尊宿麼牙云肯卽肯
只是無祖師西來意龍牙瞻前顧後應病與藥
大瀉則不然待伊問和尚當時還肯二尊宿麼
明不明劈脊便打非惟扶豎翠微臨濟亦不辜
負來問石門聰云龍牙無人撥着猶可被箇衲
子挨着失却一隻眼雪竇云臨濟翠微只解把
住不解放開我當時如作龍牙待伊索蒲團禪
板拈起劈面便打五祖戒云和尚得恁麼面長

或云祖師土宿臨頭黃龍新云龍牙驅耕夫之
牛奪飢人之食旣明則明矣因什麼却無祖師
西來意會麼棒頭有眼明如日要識真金裏
看大凡激揚要妙提唱宗乘向第一機下明得
可以坐斷天下人舌頭儻或躊躇落在第二這
二老漢雖然打風打雨驚天動地要且不曾打
着箇明眼漢古人參禪多少辛苦立大丈夫志
氣經歷山川參見尊宿龍牙先參翠微臨濟後
參德山遂問學人仗鎧鋌劔擬取師頭時如何

德山引頸云因牙云師頭落也山微笑便休去
次到洞山洞山問近離甚處牙云德山來洞山
云德山有何言句牙遂舉前話洞山云他道什
麼牙云他無語洞山云莫道無語且試將德山
落底頭呈似老僧看牙於此有省遂焚香遙望
德山禮拜懺悔德山聞云洞山老漢不識好惡
這漢死來多少時救得有什麼用處從他擔老
僧頭遶天下走龍牙根性聰敏擔一肚皮禪行
脚直向長安翠微便問如何是祖師西來意微

云與我過禪板來牙取禪板與微微接得便打
牙云拈卽任打要且無祖師西來意又問臨濟
如何是祖師西來意濟云與我過蒲團來牙取
蒲團與臨濟濟接得便打牙云打卽任打要且
無祖師西來意他致箇問端不妨要見他曲杲
木床上老漢亦要明自己一段大事可謂言不
虛設機不亂發出在做工夫處不見五洩叅石
頭先自約曰若一言相契卽住不然卽去石頭
據座洩拂袖而出石頭知是法器卽垂開示洩

不領其肯告辭而出至門石頭呼之云闍黎洩
回顧石頭云從生至死只是這箇回頭轉腦更
莫別求洩於言下大悟又麻谷持錫到章敬遶
禪床三匝振錫一下卓然而立敬云是是又到
南泉依前遶床振錫而立南泉云不是不是此
是風力所轉終成敗壞谷云章敬道是和尚爲
什麼道不是南泉云章敬卽是是汝不是古人
也不妨要提持透脫此一件事如今人纔問着
全無些子用工夫處今日也只是恁麼明日也

莫是恁麼你若只恁麼盡未來際也未有了日
須是抖擻精神始得有少分相應你看龍牙發
一問道如何是祖師西來意翠微云與我過禪
板來牙過與微微接得便打牙當時取禪板時
豈不知翠微要打他也不得便道他不會爲什
麼却過禪板與他且道當機承當得時合作麼
生他不向活水處用自去死水裏作活計一向
作主宰便道打卽任打要且無祖師西來意又
走去河北叅臨濟依前恁麼問濟云與我過蒲

團來牙過與濟濟接得便打牙云打卽任打要
且無祖師西來意且道二尊宿又不同法嗣爲
什麼答處相似用處一般須知古人一言一句
不亂施爲他後來住院有僧問云和尚當時見
二尊宿是肯他不肯他牙云肯則肯要且無祖
師西來意爛泥裏有刺放過與人已落第二這
老漢把得定只做得洞下尊宿若是德山臨濟
門下須知別有生涯若是山僧則不然只向他
道肯卽未肯要且無祖師西來意不見僧問大

梅如何是祖師西來意梅云西來無意鹽官問
云一箇棺材兩箇死漢玄沙聞云鹽官是作家
雪竇道三箇也有只如這僧問祖師西來意却
向他道西來無意你若恁麼會墮在無事界裏
所以道須參活句莫參死句活句下薦得永劫
不忘死句下薦得自救不了龍牙恁麼道不妨
盡善古人道相續也大難他古人一言一句不
亂施爲前後相照有權有實有照有用賓主歷
然互換縱橫若要辨其親切龍牙雖不昧宗乘

爭奈落在第二頭當時二尊宿索禪板蒲團牙
不可不知他意是他要用他胸襟裏事雖然如
是不妨用得大峻龍牙恁麼問二老恁麼答爲
什麼却無祖師西來意到這裏須知別有箇奇
特處雪竇拈出令人看

龍牙山裏龍無眼暗謾別人卽得泥裏洗土

塊天下人總知死水何曾振古風忽然活時

無奈何及天下人出頭不得禪板蒲團不

能用教阿誰說你要禪板蒲團作什麼莫是

分付問黎麼只應分付與盧公也則分付不

看漆桶莫作這般見解

雪竇據款結案他雖恁麼頌且道意在什麼處
甚處是無眼甚處是死水裏到這裏須是有變
通始得所以道澄潭不許蒼龍蟠死水何曾有
鱗龍不見道死水不藏龍若是活底龍須向洪
波浩渺白浪滔天處去此言龍牙走入死水中
去被人打他却道打卽任打要且無祖師西來
意招得雪竇道死水何曾振古風雖然如此且

道雪竇是扶持伊是滅他威光人多錯會道爲
什麼只應分付與盧公殊不知却是龍牙分付
與入大凡參請須是向機上辨別方見他古人
相見處禪板蒲團不能用翠微云與我過禪板
來牙過與他豈不是死水裏作活計分明是駕
與青龍只是他解騎是不能用也只應分付
與盧公往往喚作六祖非也不曾分付與人若
道分付與人要用打人却成箇什麼去昔雪竇
自呼爲盧公他題晦迹自貽云圖畫當年愛洞

庭波心七十二峰青而今高臥思前事添得盧
公倚石屏雪竇要去龍牙頭上行又恐人錯會
所以別頌要翦人疑解雪竇復拈云

這老漢也未得勦絕復成一頌灼然能有幾
人知自知較一半賴有末後句盧公付了亦
何憑盡大地討恁麼人也難得教誰領誰坐

倚休將繼祖燈草裏漢打入黑山下坐落在
鬼窟裏去也堪對暮雲歸未合一箇半箇舉
着卽錯果然出不得遠山無限碧層層塞却

你眼塞却你耳沒溺深坑更參二十年

盧公付了亦何憑有何憑據直須向這裏恁麼
會去更莫守株待兔觸體前一時打破無一點
事在胸中放教洒洒落落地又何必更憑或坐
或倚不消作佛法道理所以道坐倚休將繼祖
燈雪竇一時拈了也他有箇轉身處末後自露
箇消息有些子好處道堪對暮雲歸未合且道
雪竇意在什麼處暮雲歸欲合未合之時你道
作麼生遠山無限碧層層依舊打入鬼窟裏去

到這裏得失是非一時坐斷洒洒落落始較些
子遠山無限碧層層且道是文殊境界耶是普
賢境界耶是觀音境界耶到此且道是什麼人
分上事

佛果圓悟禪師碧岩集卷第二終

浙江嘉興府楊嚴寺經坊餘貫刻此
碧岩集卷第二計字一萬六千二百三十四
該銀十二兩九錢一分
順治十年二月
日般若堂識

附果園... 公上專... 碧巖集卷之二

碧巖集卷第二校謄

第五紙 二行一鈞和本並元本作一第九紙 七

左眼和本作在眼非也第十紙 三行垂鈞和

六行噴和本成細字非也第十一紙 初行臘脂和本作臘脂元本同今

垂鈞第十二紙 十四行米末和第十五紙 二行攪著

本著作第十七紙 七行十三行個和第十九紙 八

撐著第十三行個和本第二十紙 十四行言語和本第

並元本作箇二十一紙 十一行手斷和本第二十二紙 八行

和本作宋時元本同今本十行第二十四紙 六

王國和本作王府元本同今本

鄧和本成
第三十紙
二行先須和本
第三十三

紙
十八行三朝一本
第三十四紙
十八行左

東邊元本
第三十五紙
初行右邊和本
第三

十六紙
八行相是湘州和本並元本
相是

四十紙
三行一種
第四十三紙
十五行濟甚

元本同
第四十四紙
初行半文和本
作半公非

便攬
本本
本本

第五紙
二行

第六紙
二行

第七紙
二行

第八紙
二行

第九紙
二行

第十紙
二行

第十一紙
二行

第十二紙
二行

第十三紙
二行

第十四紙
二行

第十五紙
二行

第十六紙
二行

第十七紙
二行

第十八紙
二行

第十九紙
二行

第二十紙
二行

